

Ketepi curiga, bersama
bangunkan negeri

2

Tawar harga murah
jagung bijirin

4

Kemas kini maklumat
skim kesihatan

4

RM359 juta naik taraf
Hospital Banting

6

selangorkini

PERCUMA

PP 19570/07/2020 (035196)

EDISI 1 - 7 FEBRUARI 2024

www.selangorkini.my

Dana RM13 juta tingkat pendidikan

#KitaSelangor

ESI

KDEB
WASTE MANAGEMENT

APLIKASI
**i-CLEAN
SELANGOR**

Memudahkan Anda
Menyalurkan Aduan
Terus Kepada Kami

Pendaftaran Mudah
Lebih Cekap
Maklum Balas Awal

MUAT TURUN SEKARANG!



Download on the App Store ANDROID APP ON Google play

UNTUK SEBARANG PERTANYAAN 1-800-88-2824



Dato' Menteri Besar Dato' Seri Amirudin Shari menyampaikan pampasan RM11,000 Skim Insurans Am Selangor (INSAN) kepada peniaga Azlan Idris yang kematian anak akibat naas jalan raya dalam program Hari Prihatin Rakyat Parlimen Gombak pada 28 Januari 2024. Foto NAZIR KHAIRI ►BERITA MUKA 2

pancawarna

Kekayaan titik pertemuan dua sungai

Kuala Lumpur
kecapi kemajuan
100 tahun bawah
Sultan Selangor



9-13

Kampung Baru merakam sejarah bangsa

Penempatan Melayu
terbesar di ibu negara
lahirkan perjuangan
kemerdekaan



15

Kota 'paling rapi, cantik' di seluruh Tanah Melayu

Harimau dilihat kali
terakhir berkeliaran
di Kuala Lumpur
ketika banjir 1930



14

Usaha imbangi kemajuan, budaya

GOMBAK - Kerajaan Negeri sentiasa berusaha mengimbangi aspek kemajuan dan kebudayaan bagi memastikan kesejahteraan segenap lapisan penduduk.

Dato' Menteri Besar Dato' Seri Amirudin Shari menyifatkan kebudayaan elemen penting dalam ketamadunan yang terangkum dalam sesebuah masyarakat dan bangsa.

"Kerajaan Negeri cuba seimbangkan antara kemajuan dan kebudayaan kerana kita tidak mahu terus hanyut dalam pembangunan tetapi tewas dalam tamadun."

"Sebab itu, kerajaan memperkenal konsep Malaysia Madani yang menekankan kepada pemerkaan ekonomi dan budaya yang berteras nilai, etika atau akhlak," katanya pada 28 Januari.

Beliau percaya rakyat yang dihiasi dengan sifat kesopanan yang tinggi dan budaya itu tidak harus direntap atau diperngaruhi oleh barat menerusi media sosial.

5,000 meriahki karnival di Gombak

GOMBAK - Lebih 5,000 penduduk sekitar sini memeriahki program Hari Prihatin Rakyat Parlimen Gombak 2024 dan Karnival Keusahawanan dan Kebudayaan.

Pelbagai kegiatan diadakan seawal jam 8 pagi di Kampung Melayu Wira Damai termasuk pertandingan bola sepak selain pameran agensi serta jabatan kerajaan.

Dato' Menteri Besar Dato' Seri Amirudin Shari memberitahu karnival berkenaan dianjurkan setiap bulan di setiap Dewan Undangan Negeri (DUN) bawah parlimen tersebut.

"Kita anjurkan program ini setiap bulan. Kita ada tiga DUN. Hari ini kemuncaknya kita buat di DUN Sungai Tua untuk rai penduduk dengan tema usahawan dan budaya.

"Ini masanya saya datang untuk kita bersua muka, beramah mesra serta menguruskan apa juar pendaftaran pelbagai agensi," katanya ketika berucap dalam program itu pada 28 Januari.

IMBAS DI SINI
akbar digital minggu lepas

Buang curiga, perkukuh perpaduan

GOMBAK - Masyarakat berbilang kaum di negeri ini perlu terus mengekal keutuhan semangat perpaduan sedia ada seterusnya membantu usaha memangkin pembangunan dan kemajuan negeri.

Dato' Menteri Besar Dato' Seri Amirudin Shari menegaskan penganut setiap agama perlu diberi peluang mengamalkan kepercayaan masing-masing dan membuang perasaan curiga sesama mereka.

Katanya, nilai keamanan, kedamaian dan kestabilan tergugat jika rakyat tidak saling memahami dan mencari titik persamaan melangkaui kaum dan agama demi kemakmuran bersama.

"Kita tidak akan menjadi negeri yang baik jika setiap hari membangkitkan kecurigaan dan kebencian sesama kita," katanya dalam sambutan Hari Thaipusam di Batu Caves pada 24 Januari.

Amirudin dalam majlis perasmian

peringkat negeri pada 24 Januari menjelaskan pentadbiran Selangor juga memastikan setiap program pembangunan tidak meminggirkan mana-mana kaum, etnik maupun agama.

"Kerajaan Negeri sentiasa cuba sedaya upaya memastikan rakyat di bawah payung Selangor diberi peluang untuk membangunkan ekonomi dan mengamalkan kepercayaan masing-masing," kata beliau.

Pemuda kudung kaki akibat naas

Guna pampasan beli kerusi roda

Oleh **SOFIA NASIR**

GOMBAK - Pemuda yang kehilangan kaki kanan akibat naas jalan raya pada September tahun lalu lalu bersyukur menerima tuntutan pampasan Skim Insurans Am Selangor (INSAN) bernilai RM10,000.

Kakitangan kerajaan Muhammad Nafil Naufal Ahmad Mustain, 23, berkata pampasan tersebut akan digunakan untuk membeli kerusi roda elektronik bagi memudahkan rutin sehariannya.

"Saya terlibat dalam kemalangan sewaktu pulang kerja di Seri Kembangan. Saya bersyukur kerana ibu memaklumkan ada mendaftar nama saya



dalam skim INSAN pada 2022.

"Duit ini saya akan guna untuk beli kerusi roda canggih baharu supaya dapat berdikari dan uruskan diri sementara menunggu kaki palsu siap," katanya.

Beliau antara tiga penerima pampasan yang disampaikan Dato' Menteri Besar Dato' Seri Amirudin Shari sempena Hari Prihatin Rakyat Parlimen Gombak 2024 di sini pada 28 Januari.

Azlan Idris, 44, pula tidak dapat menahan sebak ketika menerima pampasan ekoran ketemparan anak sulung dalam kemalangan jalan raya pada Oktober tahun lalu ketika menghantarnya ke sekolah.

Peniaga itu dihubungi MBI yang

memaklumkan anak perempuannya berusia 11 tahun itu dilindungi INSAN bagi kategori pelajar iaitu perlindungan menyeluruh dengan pampasan RM11,000.

"Kemalangan itu berlaku ketika saya dalam perjalanan menghantar anak ke sekolah menaiki motosikal. Saya sendiri masih belum sembuh sepenuhnya akibat naas berkenaan.

"Wang ini sedikit sebanyak meringankan beban saya yang masih belum mula bermula untuk sara keluarga," katanya yang berjalan menggunakan tongkat akibat kecederaan paha.

M Kalaiyany, 42, pula menyerahkan pampasan RM11,000 sepenuhnya kepada ibunya yang uzur berikutnya yang mendaftar skim itu terkorban dalam naas pada Januari tahun lalu.

Serap tarif baharu air rumah ibadat

GOMBAK - Kerajaan Selangor menyediakan peruntukan tambahan antara RM1.8 hingga RM2 juta kepada semua rumah ibadat di negeri ini bagi menyerap sebahagian tarif baharu air.

Dato' Menteri Besar Dato' Seri Amirudin Shari berkata langkah tersebut bagi memastikan kegiatan rumah ibadat tidak terjejas berikutan perubahan kadar berkenaan.

"Kita menyedari keperluan dan cabaran yang dihadapi mereka. Jadi,

rumah ibadat tidak terkesan dengan kenaikan tarif kerana menerima subsidi yang ditanggung Kerajaan Negeri," katanya.

Beliau berucap ketika merasmikan sambutan Hari Thaipusam peringkat negeri di Batu Caves di sini pada 24 Januari. Penerima Skim Air Darul Ehsan (SADE) turut menerima manfaat sama.

Pada 18 Januari, Amirudin memberitahu Kerajaan Selangor menyerap sebahagian tarif baharu dianggar RM40

juta setahun untuk penerima SADE selain rumah ibadat dan kebajikan.

Beliau menjelaskan lebih sejuta penduduk atau 285,673 akaun penerima air percuma menerima tangguhan kos yang meningkat RM1.60 kepada RM13 bagi setiap isi rumah.

Katanya, pentadbiran negeri menampung peningkatan kos antara RM31.8 juta kepada RM37.3 juta setahun, manakala RM2 juta untuk rumah ibadat dan kebajikan.

450 terima baucar belanja RM200

SHAH ALAM - Sebanyak 450 baucar bernilai RM200 diagih kepada penduduk Dewan Undangan Negeri (DUN) Sungai Tua sempena perayaan Tahun Baharu Cina yang disambut awal Februari.

Dato' Menteri Besar Dato' Seri Amirudin Shari berkata baucar Jom Shopping Perayaan diserah kepada penerima

layak bagi meringankan beban mereka membuat persiapan raya.

"Seperti kelaziman, program ini dilaksana bersempena tiga perayaan utama iaitu Aidilfitri, Tahun Baharu Cina dan Deepavali dengan sumbangan baucar RM200 bagi setiap penerima," katanya di Facebook pada 30 Januari.

Amirudin berkata kepimpinannya juga akan bekerja lebih kuat untuk memberi perkhidmatan terbaik kepada semua rakyat tanpa ada yang tercincir.

Tahun ini, RM16.48 juta disediakan bagi baucar Jom Shopping Raya meliputi 82,400 penerima bagi tiga perayaan utama.

DAULAT TUANKU

MERAFAK SEMBAH UCAPAN SETINGGI-TINGGI TAHNIAH KEPADA



KEBAWAH DULI YANG MAHA MULIA
SERI PADUKA BAGINDA YANG DI-PERTUAN AGONG,
SULTAN IBRAHIM IBNI ALMARHUM SULTAN ISKANDAR

&

KEBAWAH DULI YANG MAHA MULIA
SERI PADUKA BAGINDA RAJA PERMAISURI AGONG,
RAJA ZARITH SOFIAH BINTI ALMARHUM SULTAN IDRIS SHAH

31 JANUARI 2024 (19 REJAB 1445H)

Sembah Takzim Daripada:



YAB DATO' SERI AMIRUDIN SHARI
DATO' MENTERI BESAR SELANGOR
KERAJAAN & SELURUH RAKYAT NEGERI SELANGOR DARUL EHSAN

Gayakan batik setiap Khamis

SHAH ALAM - Kira-kira 28,000 penjawat awam negeri bakal mengenakan baju ber-corak Batik Selangor pada setiap Khamis pada tahun ini, kata EXCO Kebudayaan Borhan Aman Shah.

Beliau menjelaskan pemakaian batik bermotif bunga tanjung sembilan kelopak itu juga akan diperluas kepada kakitangan agensi serta anak syarikat bawah Kerajaan Negeri.

"Pengusaha batik di Rawang bertanggungjawab untuk menyiapkan tempahan ini. Mereka berpengalaman luas mencanting batik termasuk pakaian perdana menteri.

"Ramai pengusaha terlibat, kita bahagi tempahan supaya cepat siap. Kita edar tahun ini secara berperingkat. Perkara ini telah diuluskan Majlis Mesyuarat Kerajaan Negeri," katanya.

Ketika melancarkan Batik Selangor pada Disember 2022, Dato' Menteri Besar Dato' Seri Amirudin Shari berkata rekaan Perbadanan Adat Melayu dan Warisan Negeri Selangor serta Kraftangan Malaysia digayakan EXCO, ahli dewan negeri dan penjawat awam sebagai permulaan.

RM85,000 bantu program ibu tunggal

SHAH ALAM - Kerajaan Negeri memberi peruntukan RM85,000 kepada 17 persatuan ibu tunggal bagi menyokong program usahawan dan peningkatan kemahiran mereka.

EXCO Pembangunan Wanita Anfaal Saari berharap geran bawah program Mekar Kasih itu membantu usaha pemberdayaan golongan berkenaan.

"Kerajaan Negeri melalui Wanita Berdaya Selangor (WBS) sentiasa melaksanakan program untuk meningkatkan taraf hidup ibu tunggal. Justeru, kita ber-setuju memberi geran RM5,000 kepada setiap 17 pertubuhan ibu tunggal.

"Kita harap menerusi geran ini sedikit sebanyak memberi peluang pendidikan dan latihan keusahawanan kepada ibu tunggal yang berminat untuk meningkatkan taraf hidup mereka dan keluarga," katanya dalam majlis minum petang di sini pada 29 Januari.

Pertemuan itu juga membuka ruang untuk mendengar pandangan dan cadangan EXCO berhubung dasar dan program berkaitan pembangunan kaum Hawa.

Kemas kini maklumat skim kesihatan

SHAH ALAM - Kerajaan Negeri giat mengemas kini status penerima program Iltizam Selangor Sihat (ISS) bagi memastikan hanya individu yang layak menerima perlindungan kesihatan itu.

EXCO Kesihatan Awam Jamaliah Jamaluddin berkata proses berkenaan melibatkan dua kategori iaitu ahli yang tempoh polisi melebihi dua tahun atau kurang sehingga 20 Disember tahun lalu.

Beliau menjelaskan pemegang polisi melebihi tempoh boleh membuat permohonan baharu mulai 1 Februari sekiranya layak dan memenuhi syarat



dalam program itu.

"Bagi ahli yang tempoh polisinya kurang dua tahun, mereka perlu segera mengemas kini maklumat peribadi untuk mengekalkan keahlilan ISS, seterusnya mengelak sebarang kesulitan," katanya dalam sidang media pada 29 Januari.

Jamaliah menambah proses itu membantu pentadbiran negeri mengekalkan integriti dan keberkesanan ISS kepada golongan memerlukan.

Katanya lagi, kemas kini maklumat peribadi boleh dilakukan secara manual di pusat khidmat masyarakat atau ap-

likasi Langkah Masuk Dengan Selamat (SELangkah).

"Semua proses pendaftaran dan kelulusan ahli baharu akan ditangguh buat sementara waktu sehingga 31 Januari bagi membolehkan agensi pelaksana menjalankan kemas kini maklumat," jelasnya.

Belanjawan Selangor 2024 memperuntuk RM35 juta bagi kesinambungan program ISS yang membantu pemegang polisi mendapat rawatan di klinik swasta.

Pemegang polisi layak mendapat rawatan asas dan suntikan RM500 setahun bagi kategori keluarga, manakala individu pula RM250 setahun di mana-mana klinik panel seluruh negeri.

Enam program bantu pelajar

RM13 juta untuk pendidikan

Oleh NORRASYIDAH ARSHAD

SHAH ALAM - Peruntukan hampir RM13 juta disediakan Kerajaan Selangor pada tahun ini bagi menjaya-kan enam program pendidikan, kata timbalan setiausaha Kerajaan Negeri (pengurusan).

Mohamad Zahri Samington berka-ta Program Tuisyen Rakyat Selangor (PTRS) menerima dana tertinggi iaitu RM10 juta, pemberian prasarana sekolah dan data internet percuma RM1

juta setiap satu.

Katanya, peruntukan RM500,000 turut disediakan untuk disalur kepada Persatuan Ibu Bapa dan Guru manakala RM150,000 bagi membeli komputer riba dan diagih kepada sekolah terpilih.

"Tahun ini juga sumbangan Skim Simpanan Pendidikan Nasional diteruskan dengan peruntukan RM200,000 khas kepada pelajar asnaf. Ini antara program yang diberi perhatian," katanya.

Beliau mewakil Dato' Menteri Besar

merasmikan program Tekad Pendidikan #KitaSelangor: Karnival Eksplorasi STEM peringkat negeri di sini pada 29 Januari.

Belanjawan Selangor 2024 menyediakan peruntukan hampir RM100 juta untuk pembangunan pendidikan dan bantuan persediaan pelajar di negeri ini.

Dana itu meliputi RM9 juta untuk Kumpulan Wang Biasiswa Negeri Se-langor termasuk Bantuan Yuran Asas Universiti RM5 juta dan RM3 juta bagi Hadiah Pengajian Institusi Pengajian Tinggi Selangor.

Tawar harga murah jagung bijirin

SHAH ALAM - Penanaman jagung bijirin yang diusahakan Perbadanan Kemajuan Pertanian Selangor (PKPS) sejak tahun lalu mendapat permintaan tinggi penternak kecil dan pemain industri.

Ketua Pegawai Eksekutif Kumpulan Dr Mohamad Khairil Mohamad Razi menjelaskan sambutan luar biasa itu berikutnya harga jualan lebih murah berbanding bijirin import.

"Berita mengenai tuaian pertama ladang jagung bijirin tersebar luas. Ramai penternak dan pemain indus-

tri makanan ternakan terutama sekitar negeri menghubungi PKPS untuk membelinya.

"Memandangkan kos penghasilan per ekar lebih rendah, PKPS berijamin harga jualan lebih murah, antara RM100 hingga RM250 per tan berbanding jagung import," katanya pada 24 Januari.

Mohamad Khairil berkata penanaman juga dipercepat di ladang Kuala Langat Selatan selain muh mengusahakan satu lagi ladang seluas 100 ekar

di Rawang bagi memenuhi permintaan industri.

Katanya, projek kerjasama Kementerian Kemajuan Desa dan Wilayah melibatkan kos RM4 juta bagi kawasan Kuala Langat seluas 285 ekar dan tambahan RM8 juta untuk penanaman sama di Rawang.

Pada 21 Januari, PKPS menuai 118 tan hasil pertama jagung bijirin bermutu tinggi melibatkan kawasan se-luas 16.9 hektar daripada keseluruhan keluasan ladang 121 hektar.

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
01 Khamis	6:08	6:18	7:25	1:29	4:51	7:28	8:40
02 Jumaat	6:08	6:18	7:26	1:30	4:51	7:28	8:40
03 Sabtu	6:08	6:18	7:26	1:30	4:51	7:28	8:40
04 Ahad	6:08	6:18	7:26	1:30	4:51	7:28	8:40
05 Isnin	6:08	6:18	7:26	1:30	4:51	7:28	8:40
06 Selasa	6:08	6:18	7:26	1:30	4:51	7:29	8:40
07 Rabu	6:08	6:18	7:26	1:30	4:51	7:29	8:40

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
6:08	6:18	7:26	1:30	4:51	7:29	8:41
6:08	6:18	7:26	1:30	4:51	7:29	8:41
6:08	6:18	7:26	1:30	4:51	7:29	8:41
6:08	6:18	7:27	1:30	4:51	7:29	8:41
6:08	6:18	7:27	1:31	4:51	7:30	8:41
6:08	6:18	7:27	1:31	4:51	7:30	8:41

Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
6:10	6:20	7:27	1:32	4:53	7:29	8:41
6:10	6:20	7:28	1:32	4:53	7:30	8:42
6:10	6:20	7:28	1:32	4:53	7:30	8:42
6:10	6:20	7:28	1:32	4:53	7:30	8:42
6:11	6:21	7:28	1:32	4:53	7:30	8:42
6:11	6:21	7:28	1:32	4:53	7:30	8:42
6:11	6:21	7:28	1:32	4:53	7:31	8:42



Hasil berkenaan melibatkan 42 ekar ladang di Kuala Langat Selatan

Tuaihan pertama jagung bijirin PKPS

KUALA LANGAT - Perbadanan Kemajuan Pertanian Selangor (PKPS) kini berjaya menuai hasil pertama jagung bijirin melibatkan 42 ekar daripada keseluruhan 300 ekar ladang di Kuala Langat Selatan, Selangor.

Exco Infrastruktur dan Pertanian Selangor, Ir Izham Hashim berkata, projek telah bermula sejak Mei tahun lalu dengan penanaman baka jagung bijirin jenis pacific 789 yang tahan lembapan dan sesuai dengan keadaan tanah di Kuala Langat Selatan.

"Sebanyak 118 tan hasil akan diperoleh pada fasa pertama tuaian ini dengan kos kira-kira RM900 setiap tan berbanding harga import sebanyak RM1200 per tan (tidak termasuk pengangkutan).

"Pengurangan kebergantungan kepada import ini sudah pasti akan memberi impak positif pada rantai bekalan seperti menurunkan kos dedak dan harga jualan ayam khususnya yang dijual oleh PKPS," katanya selepas hadir pada Majlis Tuaian Pertama Jagung Bijirin PKPS di sini.

Ir Izham berkata, pelaksanaan projek ini adalah komitmen kerajaan negeri Selangor dalam meneruskan program intervensi harga makanan yang diperkenalkan sejak 2022.

"Tuaian hari ini adalah langkah pertama ke arah mencapai salah satu objektif utama program intervensi kerajaan iaitu menstabilkan harga ayam di Selangor," katanya.

Untuk rekod, program intervensi kerajaan berkenaan bertujuan untuk memastikan akses makanan segar pada harga berpatutan yang mencukupi kepada rakyat Selangor khususnya menjelang musim perayaan.

Aktiviti utama yang telah dijalankan sempena program intervensi ini adalah Jualan Ehsan Rakyat / Rahmah di mana seramai lebih 4 juta penduduk di sekitar negeri Selangor telah mendapat manfaat.

Sementara itu, Ketua Pegawai Eksekutif Kumpulan PKPS, Dr Mohamad Khairil Mohamad Razi berkata, sebanyak 100 daripada keseluruhan 300 ekar telah pun dibersihkan bagi memulakan fasa penanaman kedua bermula Mac depan.

"Pelaksanaan projek yang menelan belanja sebanyak RM4 juta ini merangkumi empat fasa utama iaitu fasa pembersihan dan pembinaan infra, fasa penanaman, fasa penjagaan dan pembesaran pokok dan akhir sekali fasa tuaian dalam tempoh 100 hingga 115 hari bagi setiap kitaran," jelasnya.

Dr Mohamad Khairil berkata, PKPS mengalu-alukan kerjasama strategik

dengan mana-mana pihak yang berminat menceburi penanaman jagung bijirin.

"Kita beriltizam untuk menambah lagi pengeluaran jagung bijirin khususnya di Selangor dan menawarkan kepakaran teknikal sedia ada untuk kerjasama secara komersial," katanya.

PKPS katanya, selepas ini akan menjadi pusat pengumpulan jagung bijirin di Selangor dengan adanya mesin pengeringan dan penguraian selain tempat penyimpanan yang mampu menampung kapasiti 200 tan jagung bijirin.



Perjuang pendidikan anak Orang Asli

SHAH ALAM - Isu keciciran pendidikan anak Orang Asli antara agenda utama yang diperjuang pada tahun ini, kata EXCO Hal Ehwal Orang Asli V Papparaidu.

Beliau menjelaskan kesedaran mengenai peri pentingnya pendidikan dalam kalangan masyarakat berkenaan masih rendah lantaran perkara tersebut didorong pelbagai faktor.

Menurutnya, Jabatan Kemajuan Orang Asli turut menyediakan insentif khas kepada pelajar bagi menggalakkan mereka hadir ke sekolah.

"Mereka masih melihat pendidikan kurang penting. Malah, ada antara ibu bapa Orang Asli membawa anak-anak bekerja sebagai buruh di ladang dan sebagainya."

"Anak-anak ini masa depan kita. Harapan kita terlalu tinggi untuk melihat mereka berjaya seterusnya menyumbang kepada negara," katanya pada 27 Januari.

Selangor rekod daftar tertinggi Padu

SHAH ALAM - Lebih 300,000 individu di Selangor mengemas kini maklumat dalam Sistem Pangkalan Data Utama (Padu) setakat 24 Januari, bilangan tertinggi di negara ini.

Sarawak kedua teramai membuat pendaftaran sejak 2 Januari menerusi pautan www.padu.gov.my iaitu kira-kira 220,000 individu manakala Johor (170,000 orang). Tarikh akhir pendaftaran 31 Mac.

Pengarah Jabatan Perangkaan Selangor Hartini Yaacob berkata pihaknya membuka kaunter di beberapa lokasi terpilih terutama luar bandar bagi memudahkan orang ramai membuat pendaftaran.

"Kaunter ini dibuka dengan penggiliran di pelbagai lokasi bagi membantu mereka yang memerlukan selain memberi pendedahan mengenai kepentingan sistem ini," katanya pada 26 Januari.

Sedia sembilan tong sampah pukal

SHAH ALAM - Majlis Daerah Sabak Bernam menyediakan sembilan tong sampah pukal di 41 lokasi sempena sambutan Tahun Baharu Cina.

Pegawai Komunikasi Korporatnya Noraini Ahmad berkata tong 'Roll On Roll Off' (Roro) tersebut disediakan hingga 13 Februari.

"Semua tong roro ini akan ditempatkan secara berperingkat di semua kawasan terlibat mengikut tarikh yang dijadualkan.

"Sampah pukal yang dibenarkan pula adalah perabot terpakai, sisa kebun seperti ranting, dahan atau daun manakala sampah domestik seperti sisa dapur atau makanan dilarang sama sekali," katanya pada 30 Januari.

RM359 juta baiki Hospital Banting

SHAH ALAM - Penduduk Kuala Langat bakal menikmati kemudahan kesihatan lebih baik berikutan Hospital Banting akan dinaik taraf menerusi peruntukan RM359 juta.

Wakil rakyat Banting V Papparaidu yang juga EXCO negeri menjelaskan perbincangan

dengan semua pihak berkaitan telah dimulakan bagi melancarkan proses pembinaan berkenaan.

"Kita buat perbincangan dari semasa ke semasa dengan semua pihak. Kita mahu pastikan projek ini berjalan lancar kerana ini projek penting."

"Penduduk sudah lama perlukan hospital baharu kerana hospital sejia ada tidak mampu lagi menampung bilangan pesakit yang semakin meningkat," katanya pada 27 Januari.

Mula beroperasi pada 1974 di tapak seluas 10 hektar, Hospital Banting hanya ada 151 katil bagi menampung lebih 300,000 penduduk daerah itu.



Tuntutan skim insurans percuma

RM1 juta pampasan selesai diagih

Oleh **SOFIA NASIR**

GOMBAK - Tuntutan pampasan Skim Insurans Am Selangor (INSAN) bernilai RM998,000 diselesaikan sejak inisiatif insurans percuma itu diperkenal Kerajaan Negeri pada 2022.

Ketua Tanggungjawab Sosial Korporat dan Komunikasi Korporat Menteri Besar Selangor (Pemerbadanan) atau MBI berkata ia melibatkan 91 tuntutan pelbagai kes naas dan kematian.

Menurut Ahmad Azri Zainal Nor, pihaknya menerima 166 tuntutan tetapi 57 kes terpaksa ditolak berikutan tidak

memenuhi syarat antaranya tiada lesen kenderaan dan masalah lain.

"Sehingga hari ini, kita masih menggalakkan rakyat untuk mendaftar skim INSAN Takaful kerana ia terbuka untuk semua."

"Bagi mereka yang tamat polisi konvensional, mereka masih boleh melakukan pendaftaran menerusi skim INSAN Takaful. Tiada masalah," katanya pada 28 Januari.

INSAN diperkenal pada 2022 bagi melindungi semua penduduk negeri ini seawal usia 30 hari hingga 80 tahun



dengan kos premium ditanggung sepenuhnya Kerajaan Selangor.

Menyasar enam juta rakyat, skim berkenaan memberi perlindungan sehingga RM10,000 bagi kes hilang upaya kekal dan kematian disebabkan kemalangan.

Awal Ogos tahun lalu, INSAN ditambah baik dengan menawarkan skim INSAN Takaful yang memberi perlindungan sehingga RM10,000 manakala waris sebanyak RM1,000 jika berlaku kematian.

Tebus 80 peratus e-baucar buku

SHAH ALAM - Lebih 80 peratus daripada peruntukan RM200,000 e-baucar buku mahasiswa Kita Selangor ditebus setakat 25 Januari, kata Menteri Besar Selangor (Pemerbadanan) atau MBI.

Ketua Tanggungjawab Sosial Korporat dan Komunikasi Korporatnya Ahmad Azri Zainal Nor berkata 83.18 peratus atau RM166,360 baucar dibelanjakan sejak dilancar pada November tahun lalu.

Mengajak mahasiswa segera menabung sebelum tempoh berakhir pada 31 Januari, beliau menambah 949 transaksi e-baucar buku itu ditebus manakala 542 lagi belum membuat pembelian.

"Antara faktor transaksi tidak berjaya kerana menunggu kelulusan pihak perniran atau penerima e-baucar belum muktamadkan pesanan mereka," katanya.

Mahasiswa yang layak boleh menabung e-baucar dan membuat pembelian buku menerusi pautan mall.bookcapital.com.my milik Perbadanan Kota Buku, agensi bawah Kementerian Pendidikan.

Tawaran tersebut dilancar Dato' Menteri Besar Dato' Seri Amirudin Sharif bagi memberi manfaat kepada 1,000 mahasiswa melalui peruntukan keseluruhan RM200,000.

Lebih 2,000 mohon permit utiliti

SHAH ALAM - Koridor Utiliti Selangor (Kusel) yang bertanggungjawab menjadi pemudah cara dalam urusan pembangunan utiliti menerima 2,203 permohonan permit setakat ini.

Pengarah Urusannya Khairul Azmi Misran menjelaskan angka sejak Mac 2022 merangkumi penyediaan utiliti air, elektrik, telekomunikasi, gas dan pembentungan.

Beliau menjelaskan kelulusan pula dibuat pihak tertentu sama ada pihak

berkuasa tempatan, pejabat daerah dan tanah atau Jabatan Kerja Raya.

"Kita hanya sebagai pemudah cara untuk memanjangkan permohonan syarikat atau agensi tertentu mendapatkan kebenaran pembangunan di negeri ini."

"Agensi dan syarikat yang membuat permohonan permit antaranya Pengurusan Air Selangor Sdn Bhd, Tenaga Nasional Berhad, Gas Malaysia dan Petronas Gas Berhad," katanya pada 25 Januari.

Kusel bawah Menteri Besar Selangor (Pemerbadanan) ditubuh bagi memastikan penyedia utiliti menepati garis panduan dan penggalian jalan negeri yang diterbitkan PlanMalaysia@ Selangor.

Penubuhannya selaras hasrat menjadikan Selangor sebagai Negeri Pintar menjelang 2025 dengan menyediakan persekitaran kondusif untuk masyarakat.



Perluas kaedah ala Sekinchan

Tanam padi 202 hektar

KUALA SELANGOR - Sebanyak 202 hektar sawah di utara negeri akan ditanam menggunakan formula penghasilan padi di Sekinchan bagi meningkatkan kadar pengeluaran beras tempatan.

EXCO Kerajaan Tempatan Dato' Ng Suee Lim berkata penanaman di sekitar Kuala Selangor dan Sabak Bernam antara permulaan untuk menghasilkan makanan ruji negara itu.

Beliau bersama EXCO Kemajuan Desa Datuk Rizam Ismail memilih beberapa kawasan sesuai sebagai projek perintis kaedah penanaman 'Ala Sekinchan' sebelum diperluas ke seluruh negeri.

"Kita teroka beberapa lokasi untuk jadikan kawasan berkelompok, kita tidak ambil semua. Bagi permulaan, kita ambil 202 hektar dahulu," katanya seperti dilapor Bernama pada 27 Januari.

Suee Lim menambah disiplin dan ketelitian petani antara faktor membantu Sekinchan mengeluar hasil padi tertinggi iaitu antara enam hingga 12 tan metrik sehektar bagi satu musim.

Katanya,
rata-rata pe-

sawah menggunakan jentera yang menjadikan proses penanaman lebih mudah, cepat dan teratur selain mengelakkan terjadi padi angin serta penggunaan dron untuk membaja.

"Dari segi sistem saliran, bekalan air lebih tersusun dan sempurna berbanding kawasan lain, itu kelebihan tem-

pat ini yang ditinggalkan sejak zaman penjajahan British dahulu," katanya.

Mengikut Kementerian Pertanian dan Industri Asas Tani, Sekinchan menghasilkan pengeluaran tertinggi apabila merekod 12 tan setiap hektar berbanding negeri lain sekitar empat tan.

Tawar 4,000 peluang kerja

SHAH ALAM - Orang ramai dipelawa merebut 4,028 peluang pekerjaan yang ditawarkan dalam Karnival Jelajah JobCare Selangor di Dewan Hamzah, Klang.

EXCO Sumber Manusia V Papparaiud menjelaskan program antara 9 pagi hingga 5 petang pada 3 Februari anjuran bersama Pertubuhan Keselamatan Sosial (Perkeso) menampilkan 27 majikan.

Beliau menambah temu duga secara terus kepada calon terpilih turut dijalankan dalam program kemuncak selepas karnival sama diadakan meliputi sembilan daerah sejak Ogos tahun lalu.

"Kita sasar lebih 2,000 orang hadir mencari peluang pekerjaan baharu atau mereka yang tamat belajar," katanya pada 26 Januari.

Masuk percuma dan tiada had umur atau taraf pendidikan ditetapkan. Walaupun pendaftaran tidak wajib, orang ramai digalakkan berbuat demikian menerusi myfuturejobs.gov.my/careerfair/

Majikan terlibat antaranya The Chicken Rice Shop, Ramly Burger, Mah Sing Healthcare, Sports Direct, 99 Speedmart dan Sate Kajang Haji Samuri.

RM1 juta bantu mangsa bencana

PETALING JAYA - Menteri Besar Selangor (Pemerbadanan) atau MBI memperuntuk RM1 juta untuk membantu mangsa bencana tahun ini.

Ketua Tanggungjawab Sosial Korporat dan Komunikasi Korporatnya Ahmad Azri Zainal Nor berkata peruntukan itu bertambah berbanding tahun sebelumnya, RM500,000.

"Peruntukan tahun ini ditingkatkan menjadi RM1 juta kerana pelbagai musibah dihadapi penduduk selain menerima banyak permohonan. Secara keseluruhan, MBI sentiasa bersedia dalam membantu mereka yang berdepan musibah tidak dijangka," katanya pada 29 Januari.

Ahmad Azri turut memaklumkan pihaknya akan meneliti bantuan lanjut berhubung pembedahan kosmetik terhadap mangsa simbah asid, Nadia Fasha Qistina Azman Shah, 28, dengan Lembaga Zakat Selangor.



PANORAMA
RESIDENCES
KELANA JAYA

PEGANGAN BEBAS

**UNIT BUMIPUTERA
TERHAD**

Siap Dibina, Dibuka untuk Jualan

PILIHAN UNTUK UNIT PEMANDANGAN PADANG GOLF ATAU BANDAR PJ

Berpagar dan berpengawal

Densiti rendah (Hanya 473 Unit)

Hanya 8 unit dalam satu tingkat

Setiap unit dapat min. 2 tempat parkir kereta

Bersebelahan dengan stesen LRT

**Harga dari RM 637++ Ribu
Unit Sedia Dikunjungi**

*Harga minimum selepas diskain Bumiputera

+6012 336 3899 (KENNETH SOH)
www.panoramaresidences.com.my

Gambaran Artis

MILLENIUM CREATION SDN BHD (1050513-K)
a wholly owned subsidiary of LLC Properties Sdn. Bhd.

19, 21, 23 & 25, Jalan Sri Hartamas 7, Taman Sri Hartamas, 50480 Kuala Lumpur
T +603-62013888 F +603-62013113 E info@llc-prop.com GPS N 3.1571814, E 101.6503459

Sekatan-sekatan kepentingan: Tanah ini tidak boleh dipindahmiliki, dipajak atau digadai selain mendapat kebenaran bertulis daripada Pihak Berkewsa Negeri.

Panorama Residences, Kelana Jaya

SATU LAGI PROJEK PEMBANGUNAN OLEH

LLC PROPERTIES

(A wholly owned subsidiary of LLC Berhad)
CERTIFICATION PENDING

BCA CONQUAS 21
ASSESSED

PROFESSIONAL PROPERTY AWARDS
2013-2014

Cari kaedah tangani peminjam culas

SHAH ALAM - Pentadbiran negeri akan meneliti kaedah sesuai bagi menambah baik proses kutipan semula pinjaman modal yang ditawarkan Yayasan Hijrah Selangor (Hijrah Selangor).

EXCO keusahawan berkata tunggakan RM135 juta membabitkan 15,000 peminjam perlu dituntut bagi memudahkan pusingan pembiayaan kepada usahawan baharu.

Najwan Halimi menjelaskan cabaran terbesar pengurusan Hijrah Selangor ketika ini apabila peminjam yang culas dan sukar dihubungi.

"Pihak Hijrah Selangor akan terus berhubung dengan peminjam terlibat untuk meminta mereka lunaskan baki pinjaman sedia ada. Tindakan undang-undang dengan melihat terma perjanjian dan senarai hitam juga akan diambil," katanya.

400 ayam, 180 papan telur laris

AMPANG JAYA - Sebanyak 400 ayam dan 180 papan telur terjual dalam tempoh kurang dua jam dalam Jualan Ehsan Rahmah di Taman Dagang Jaya di sini.

Penyelia Unit Jualan Perbadanan Kemajuan Pertanian Selangor (PKPS) berkata ratusan pengunjung beratur seawal 7.30 pagi pada program peringkat Dewan Undangan Negeri (DUN) Lembah Jaya.

"Sebanyak 200 nombor giliran habis diagihkan sebelum program bermula jam 10 pagi menunjukkan sambutan sangat mengalakkannya," kata Muhammad Farid Mustafa pada 27 Januari.

Wakil rakyat Syed Ahmad Abdul Rahman Alhadad atau Altimet berkata hampir 3,000 penduduk menerima manfaat lapan kali penganjuran JER di DUN berkenaan sejak Ogos tahun lalu.

"Saya berhasrat untuk menambah produk jualan dalam JER di Lembah Jaya seterusnya iaitu makanan serat seperti sayur-sayuran. Saya usahakan untuk bekerjasama dengan PKPS," katanya.

Hijrah tidak lantik ejen pembiayaan

SHAH ALAM - Yayasan Hijrah Selangor (Hijrah) tidak pernah melantik ejen untuk menguruskan permohonan skim pembiayaan peribadi bawah agensi itu.

Agensi itu memaklumkan orang ramai diminta waspada dan hubungi ibu pejabat Hijrah menerusi talian 03-5523 3611 atau hadir ke cawangan berdekatan jika terdapat keraguan mengenainya.

"Hijrah tidak pernah melantik mana-mana ejen bagi menguruskan permohonan skim pembiayaan kecuali menerusi rakan strategik dan syarikat peneraju lantikan sah," jelasnya di Facebook pada 30 Januari.

Maklumat lanjut boleh layari pautan www.hijrahselangor.com/risalah-skim-hijrah.../

Harap anak dapat jalani pembedahan

PETALING JAYA - Ibu mangsa simbah asid, Nadia Fasha Qistina Azman Shah, 20, berharap ada pihak tampil membantu anaknya menjalani pembedahan kosmetik.

Noraini Abdul Hamid, 40, berkata pembedahan itu akan membantu anak sulungnya menjalani kehidupan normal seperti sebelum insiden hitam berkenaan.

"Kunjungan Menteri Besar Selangor (Pemerbadanan) atau MBI dan wakil rakyat amat bermakna buat kami sekeluarga.

"Saya harap ada bantuan kosmetik daripada mana-mana pihak kerana ia sangat bermakna buat Nadia. Buat

masa ini, luka akibat disimbah asid yang mencederakan 70 peratus anggota badan dan muka anak saya belum kering sepenuhnya," katanya.

Ahli Dewan Negeri Kota Damansara Izuan Kasim mewakili MBI menyerahkan sumbangan wang tunai kepada bapa mangsa, Azman Shah Mohammad di kediamannya pada 29 Januari.

MBI turut menyerahkan wang tunai kepada mangsa pokok tumbang dan kebakaran yang keseluruhannya bernilai RM13,000.

Pada 8 November tahun lalu, Nadia Fasha Qistina disimbah asid seorang lelaki menyamar pekerja e-panggilan sebelum

suspek melarikan diri mengakibatkan mangsa cedera di muka, badan serta kaki sehingga terpaksa menjalani lapan pembedahan.

Sementara itu, mangsa kejadian pokok tumbang, Arnie Shazleen Azibi, 24, berterima kasih atas keprihatinan Kerajaan Negeri menyumbang wang tunai yang meringankan bebaninya sekeluarga.

"Ketika kejadian jam 3 pagi, saya dan keluarga tiada di rumah kerana pulang ke kampung di Kuala Kubu Baharu. Sejurus menerima panggilan, awal pagi kami terus bergerak pulang.

"Alhamdulillah, dengan sumbangan RM1,000 yang diterima sedikit sebanyak meringankan beban kerana kos baiki kereta juga lebih RM2,000," ujarnya.



Tawar konsep pasar raya komuniti

Bantu pengguna jimat berbelanja

Oleh **NAS NORZIELA NASBAH**

SUBANG JAYA - Mydin Mohamed Holdings Berhad (Mydin) membuka sebuah lagi cawangan berkoncep pasar raya komuniti di Taman Kinrara, Puchong di sini.

Pengarah Eksekutifnya Ahimmat Mydin menjelaskan premis berkenaan cawangan ke-68 di seluruh negara selain pembukaan enam cawangan baharu di Selangor.

Cawangan itu terletak di Balakong Jaya (Seri Kembangan), Raja Muda Musa dan Bukit Kuda (Klang), Desa Latina (Shah Alam), Subang Angsana (Subang) serta Alam Suria (Puncak Alam).

Sentiasa mendengar permintaan pe-

langgan, beliau berkata pihaknya bercadang untuk menambah cawangan berkenaan di kawasan perumahan bagi memudahkan masyarakat berbelanja.

"Pembukaan Mydin Mart ini memberi pilihan dan kemudahan kepada mereka mendapatkan barang berkualiti pada harga cukup kompetitif di pasaran.

"Kita harap masyarakat sekitar boleh berbelanja secara berhemah dan berjimat dengan tawaran harga berpatutan," katanya pada 24 Januari.

Sementara itu, penerima bakul makanan Norrasidah Shaari, 37, bersyukur atas keprihatinan Mydin membantunya selain gembira dengan pem-



bukaan cawangan baharu berhampiran rumahnya.

"Sebagai penerima bantuan bakul makanan, saya bersyukur dan berterima kasih atas keprihatinan Mydin kerana meringankan beban kami sekeluarga," kata ibu tiga cahaya mata itu.

Ibu tunggal, Halimah Lah, 53, pula menyifatkan bantuan berkenaan sedikit sebanyak meringankan belanja keluarganya bulan ini.

"Terima kasih atas bantuan bakul makanan ini. Saya gembira dengan pembukaan cawangan Mydin Mart kerana harganya berpatutan untuk golongan berpendapatan rendah seperti saya," katanya.

Bantu jiran miskin beli keperluan

SHAH ALAM - Penganjuran Jualan Ehsan Rahmah (JER) memberi manfaat kepada golongan berpendapatan rendah (B40) untuk membeli barang keperluan asas pada harga rendah.

Warga emas Janet Beins, 72, ke jualan murah peringkat Dewan Undangan Negeri (DUN) Kota Kemuning bukan sahaja untuk keperluan sendiri sebaliknya turut membantu jiranannya.

"Saya bukan sahaja untuk beli barang sendiri tetapi beli untuk jiran yang tidak mampu datang dan orang miskin.

"Di kejiranan saya, ada yang hidup dalam kesusahan. Jadi, kita bantu sediakan barang keperluan asas supaya mereka dapat teruskan kehidupan," katanya pada 27 Januari.

Pengunjung Anne Chew, 73, yang pertama kali mengunjungi jualan murah kendalian Perbadanan Kemajuan Pertanian Selangor turut teruja berikutnya produk berharga rendah.

"Jika ia dianjurkan sekali lagi di kejiranan ini, saya pasti datang. Harga me-



mang murah. Saya berharap penganjuran dapat tambah jenis sayur-sayuran," katanya.

Jenny Tan, 53, mengakui program itu membantu keluarganya berjimat hampir 50 peratus berbanding berbelanja di pasar raya sekali gus meringankan kos sara hidup tinggi.

"Ini kali kedua saya hadir. Saya harap lebih kerap diadakan terutama musim perayaan Tahun Baharu Cina tidak lama lagi," katanya yang mengunjungi JER peringkat DUN Lembah Jaya.




Harimau
terakhir di
Kuala Lumpur
14



Seabad
Kampung
Baru
15

Kuala Lumpur kota warisan Selangor



Kuala Lumpur tumbuh mekar dari perusahaan timah puluhan tahun sebelum dijadikan ibu negara baru Selangor pada 1880. Namun perebutan kuasa termasuk berhubung isu perlombongan mencetuskan perang saudara.

Sebaik sahaja krisis politik berakhir, 1874, Kuala Lumpur yang menjadi pangkalan penting perlombongan di sekitar Ampang, Hulu Kelang dan Kanching mula pesat membangun.

Raja Abdullah yang dekat dengan Sultan Abdul Samad memajukan perlombongan pada 1857. Melihat usaha Raja Abdullah membawa pelombong Cina, Sutan Puasa yang mengetuai pendatang Sumatera juga berbuat demikian.

Asalnya sebesar kawasan Chow Kit atau Raja Bot di utara hingga ke Kampung Attap di selatan, Kuala Lumpur terus membina pentadbiran yang makin cekap.

Bandar yang disebut "kotor dan menyakitkan mata" pada 1882 kemudian bertukar kawasan "yang paling rapi dan cantik" berbanding negeri-negeri lain di Tanah Melayu.

Sebagai ibu negeri, dan tidak lama kemudian

pusat pentadbiran Negeri-negeri Melayu Bersekutu, Kuala Lumpur akhirnya diisytihar ibu negara Persekutuan Tanah Melayu dan seterusnya Malaysia.

Bersempena sambutan ulang tahun ke-50 penyerahan Kuala Lumpur sebagai wilayah persekutuan pada 1 Februari, **ABDUL RAHIM SABRI** menyingkap tarikh, lokasi dan peristiwa penting sepanjang 100 tahun bandar raya ini sebelum 1974.

Foto di atas dirakam pada 1879 ketika Sultan Abdul Samad berangkat melawat kawasan ini yang sedang pesat dengan perlombongan. Menurut buku Sutan Puasa: Founder of Kuala Lumpur, sebahagian besar pekan ini dibangun semula susulan perang saudara pada 1873.

Menurut sejarawan terkenal JM Gullick, peta kiri menunjukkan lakaran pekan ini pada 1895, sementara peta di sebelahnya gambaran kasar penempatan menjelang 1880.

HAFIZAN TAIB pula memilih sejumlah foto menarik perjalanan sejarah dari penempatan kampung pada 1880 hingga tragedi berdarah pada 1963 (**muka surat 12 dan 13**).

1874

Pada Ogos, Selangor menerima penolong residen Inggeris, Frank Swettenham, yang juga penasihat kepada Sultan Abdul Samad, sultan Selangor keempat. Beliau kemudian menjadi residen Selangor antara 1882 hingga 1889.

Pada Disember, JG Davidson pula ditugaskan sebagai residen pertama.

Pengaruh kolonial ini berpunca, antaranya, daripada krisis politik dan perang saudara yang berlarutan antara 1866 hingga 1873. Walau sering digelar Perang Klang tetapi pertempuran besar terjadi di Kuala Lumpur.

1880

Pada Mac, Sultan Abdul Samad memindahkan ibu negeri dari Klang ke Kuala Lumpur, kota yang dibina daripada pertemuan dua sungai, Gombak dan Klang.

Pegawai-pegawai kerajaan berbangsa Eropah berpindah ke Kuala Lumpur, membina penempatan di tebing barat Sungai Klang.

Sungai itu menjadi pemisah di antara petempatan mereka dan Cina. ►

1881

Kebakaran besar meranapkan bangunan kayu dan daun atap pada 4 Januari. Kejadian itu telah memusnahkan hampir seluruh bandar. Bah besar pula melanda pada 21 Disember.

Banjir itu menghanyutkan jambatan utama (lintasan Lebuh Pasar) dan menenggelamkan sebahagian besar bandar termasuk rumah agam kapitan ketiga Yap Ah Loy.

Banjir besar sering melanda Kuala Lumpur, antaranya 1910, 1911, 1926 dan 1971.

Selaras kebakaran itu, kerajaan mengarahkan semua bangunan dibina dengan batu bata. Brickfields dibuka bagi membangunkan industri bahan binaan tersebut.

**1886**

Landasan kereta api yang pertama sejauh kira-kira 31.4 kilometer dari Bukit Kuda, Klang ke Kuala Lumpur dibuka pada 15 September.

Stesen pertama terletak kira-kira satu kilometer utara dari bangunan sedia ada sekarang, iaitu berdekatan dengan Market Street (sekarang Lebuh Pasar Besar) dan Victory Avenue (sekarang Jalan Sultan Hishamuddin).

1888

Pasar utama di tebing Sungai Klang dibuka Yap Ah Loy sebagai bekalan makanan penduduk dan juga pelombong bijih.

Sering dikenali Central Market atau CM, bangunan pasar berukuran 250 kaki darab 90 kaki, yang mempunyai lantai konkrit dan berjubin yang boleh dibasuh.

Pasar baharu yang lebih mudah dijaga kebersihannya dibina atas tapak ini pada 1936. Binaan ini diubahsuai, dibuka semula pada 1986 untuk pelancong dengan nama Pasar Seni.

1896

Kuala Lumpur dijadikan pusat pentadbiran Negeri-negeri Melayu Bersekutu – Perak, Selangor, Pahang, Negeri Sembilan – mulai 1 Julai.

Frank Swettenham dilantik residen jeneral pertama yang tinggal di Carcosa Mansion (kini, Carcosa Seri Negara), dibina pada 1897 dan siap setahun kemudian.

Pemusatan ini untuk mewujudkan pentadbiran dengan lebih cekap. British perkenal Enakmen Lombong pada 1899.

1897

Bangunan Pejabat Kerajaan Kuala Lumpur di pinggir muara Sungai Klang-Sungai Gombak siap. Ia dibina mulai September 1894.

Ia dipanggil bangunan Sultan Abdul Samad mulai 1974. Seni binanya disebut sebagai ‘gaya Mahomaten’, meniru aliran seni bina yang serupa di India.

1898

Muzium Selangor dibuka sekitar Dataran Merdeka sebelum dipindah ke istana Bukit Nenas

(juga dikenali Bukit Gombak) pada 1906.

Kemudian dipindah ke bangunan baharu pada 1914 iaitu tapak Muzium Negara sekarang.

1899

Penubuhan tempat perjumpaan penduduk dan rumah tumpangan yang didaftar sebagai sebuah kelab dua tahun kemudian.

Pada 1909, bangunan Sultan Sulaiman Club (*bawah*) dibina di atas tanah yang diwakafkan Sultan Alauddin Sulaiman Shah, pengganti Sultan Abdul Samad, di Kampung Baru.

Ditukar nama Kelab Sultan Sulaiman pada 1967, bangunan ini mencatat sejarah penting politik negara antaranya, Kongres Melayu pertama pada Mac 1946 dan juga tempat berlindung orang Melayu ketika insiden 13 Mei 1969.

Pada 1940, tempat ini digunakan untuk Kongres Wartawan Melayu Se-Malaya. Ketika bah besar melanda ibu kota pada 1971, dewan ini digunakan sebagai pusat pemindahan banjir.

1900

Penempatan Pertanian Melayu (MAS) di Kampung Baru dilulus setelah desakan dibuat setahun sebelumnya.

Ia bertujuan memajukan orang Melayu dalam pertanian, perdagangan dan menyediakan penempatan baharu.

Frank Swettenham mencadangkan penubuhan sebuah institut patologi untuk menyelidik punca, cara rawatan dan pencegahan wabak penyakit tropika yang belum diketahui.

Cadangan ini dibuat susulan syor Persidangan Berlin pada 1885. Pakar patologi di Pusat Kajian Perubatan Tropika di London, Dr Hamilton Wright, dilantik pengarah pertama Institut Penyelidikan Perubatan (IMR).

1903

Sidang kedua Durbar empat raja Negeri-negeri Melayu Bersekutu diadakan di Kuala Lumpur pada Julai.

Sultan Idris dari Perak menggesa Inggeris melantik lebih ramai orang Melayu terlibat dalam perkhidmatan kerajaan dan diberi jawatan lebih tinggi.

Idea penubuhan Askar Melayu Diraja dan Kolej Melayu Kuala Kangsar bermula daripada sidang ini. Soal hal-ehwal Islam dan bahasa Melayu turut dibangkitkan oleh Raja-Raja Melayu.

Sidang pertama Durbar, sejarah awal Mesyuarat Majlis Raja-Raja Melayu, di Kuala Kangsar berlangsung selama empat hari berakhir pada 17 Julai 1897.

1908

Sultan Alauddin Sulaiman Shah, pengganti Sultan Abdul Samad, meletakkan batu asas pembinaan Masjid Jamek di muara dua sungai penting.

Reka bentuknya disediakan oleh arkitek terkenal Arthur Benison Hubback.

Masyarakat Melayu menyumbang \$12,000 untuk menampung biaya pembinaan dengan nilai keseluruhan \$32,615.

Pada 23 Disember 1909, Baginda merasmikan pembukaan masjid bersejarah ini, selain turut memberi sumbangan peribadi kepada tabung masjid.

1910

Pembinaan stesen kereta api (lama) Kuala Lumpur siap. Rancangan untuk membina stesen baharu dibuat akhir 1906 oleh Arthur Benison Hubback bawah seliaan Charles Edwin Spooner, pengurus besar FMS Railways.

Reka bentuk bangunan dilukis Hubback selama lebih empat bulan hingga bulan keempat 1908 sebelum persetujuan Pesuruhjaya Tinggi di

Singapura Sir John Anderson diberikan pada Mei 1908.

Di sebelahnya, sebuah hotel dengan 30 bilik.

Ia dibuka pada 1 Julai. Sultan Alauddin Sulaiman Shah dan Gabenor Inggeris Sir John Anderson antara penumpang pertama. Bangunan ini jadi harta warisan negara pada 1983.

1920

Hospital Kuala Lumpur ditambah baik kepada 25 wad, meningkat daripada tiga wad sewaktu dibuka sebagai sebuah hospital daerah pada 1870.

Panggung Colesium di Jalan Tuanku Abdul Rahman dibuka, kafe di sebelahnya yang sering dikunjungi tokoh politik termasuk Perdana Menteri Tunku Abdul Rahman Putra dibuka pada 1921.

Selepas 99 tahun beroperasi, kafe ini terpaksa ditutup pada Mac 2021 akibat Perintah Kawalan Pergerakan (PKP) kerana penularan pandemik Covid-19.

1942

Pada 11 Januari, tentera Jepun masuk ke Kuala Lumpur tanpa banyak penentangan setelah Inggeris meninggalkan bandar ini. Dengan segera, pusat pentadbiran utama (kini Bangunan Sultan Abdul Samad), stesen kereta api dan penjara Pudu ditawan.

1945

Setelah tewas susulan serangan bom nuklear di Hiroshima dan Nagasaki, Jepun menyerah kalah. Majlis penyerahan di Kuala Lumpur diadakan pada 13 September dan 22 Februari 1946.

1946

Kongres Melayu pertama diadakan di Dewan Kelab Sultan Sulaiman, Kampung Baru. Ia disertai 41 pertubuhan pada 1 hingga 4 Mac sebagai membantah Malayan Union.

Ia membangkitkan gelombang kemarahan orang Melayu termasuk Raja-Raja. Kongres ini digerakkan, antaranya, Pengurus Pergerakan Melayu Selangor Zainal Abidin Ahmad (Zaaba) dan Yang Dipertua Pergerakan Melayu Semenanjung Dato' Onn Jaafar.

Kongres dirasmikan oleh Sultan Selangor Sultan Hisamuddin Alam Shah Alhaj, yang menyokong penuh penubuhan sebuah persatuan umat Melayu yang kuat bagi menjamin kepentingan orang Melayu.

Kongres ini menjadi bibit awal pembentukan Pertubuhan Kebangsaan Melayu Bersatu (Umno) pada 10 Mei dalam Kongres Melayu ketiga di Johor Bahru. Dato' Onn Jaafar sebagai pemimpinnya.

**1948**

Satu perjanjian antara Raja-Raja Melayu dan Sir Edward Gent, wakil kerajaan Britain, dimaterai di Carcosa Seri Negara pada 21 Januari.

Perjanjian itu sebagai persediaan ke arah

penubuhan Persekutuan Tanah Melayu pada 1 Februari. Perjanjian ini diisythar secara rasmi menjadi Perlembagaan Persekutuan Tanah Melayu pada tarikh tersebut.

Mulai tarikh itu, kedudukan Raja-Raja Melayu dikembalikan termasuk syarat kerakyatan orang asing dan hak-hak istimewa orang Melayu.

Perjanjian ini memansuhkan Malayan Union dan menyatukan 11 negeri Melayu dalam sebuah Persekutuan untuk pertama kali. Ia menjadi asas kemerdekaan negara pada 31 Ogos 1957.

Dikenali juga King's House, bangunan ini diberi nama Carcosa oleh Frank Swettenham berdasarkan novel *The King in Yellow*, karya Robert W Chambers, yang terbit pada 1895.

Tapak tanah ini diserahkan semula kepada Malaysia pada 1984.

1950

Kerajaan Selangor menyewa rumah agam dua tingkat, yang dibina pada 1928, di Jalan Istana, sebagai sebuah istana. Gedung ini dijadikan istana sementara Sultan Selangor Sultan Hisamuddin Alam Shah Alhaj sehingga tempoh pajakan tamat pada Februari 1957.

Selepas merdeka, Kerajaan Persekutuan membeli \$1.4 juta untuk dijadikan Istana Negara tempat bersemayam Yang di-Pertuan Agong Pertama, Tuanku Abdul Rahman Tuanku Muhammad.

Istana Negara yang pertama ini kini dijadikan Muzium Diraja mulai 1 Februari 2013 setelah kompleks baharu dibangunkan di Jalan Tuanku Abdul Halim.

Istana Negara yang baharu beroperasi sepenuhnya semasa pemerintahan Yang di-Pertuan Agong XIII Al-Wathiqu Billah Tuanku Mizan Zainal Abidin pada 11 November 2011.

1952

Pilihan raya perbandaran Kuala Lumpur diadakan pada 16 Februari. Parti Perikatan menang sembilan daripada 12 kerusi. Parti Kemerdekaan Malaya (IMP) pimpinan Dato' Onn Jaafar menang dua kerusi, dan Bebas satu kerusi.

Pilihan raya ini diadakan untuk menyediakan peluang kepada parti politik untuk mendapat kerusi dan mentadbir sendiri majlis tempatan. Ia merintis jalan menuju kemerdekaan negara.

1955

Tunku Abdul Rahman menjadi ketua menteri Persekutuan Tanah Melayu selepas pilihan raya umum pertama yang berlangsung 27 Julai. Parti Perikatan menang 51 daripada 52 kerusi yang dipertandingkan.

Kabinet pertama dibentuk pada 31 Julai dengan persetujuan pesuruhjaya tinggi Britain dan kemerdekaan bakal dicapai dalam tempoh dua tahun lagi.

1956

Stadium Merdeka mula dibina pada 25 September dan berjaya disiapkan 10 hari sebelum laungan Merdeka. Menelan belanja \$2.3 juta, stadium ini dibuka secara rasmi sehari sebelum sambutan kemerdekaan.

Pembinaannya mengambil masa enam bulan sahaja daripada tarikh peletakan batu asas pada 15 Februari 1957 agar sambutan kemerdekaan dapat dilangsungkan.

1957

Perdana Menteri Persekutuan Tanah Melayu Tunku Abdul Rahman Putra Alhaj melaungkan "Merdeka" tujuh kali di Stadium Merdeka pada 31 Ogos.

Majlis paling bersejarah ini disaksikan lebih 20,000 orang termasuk Raja-Raja Melayu, tetamu khas dari luar negara dan anggota Kabinet Kerajaan



Persekutuan.

Tuanku Abdul Rahman Tuanku Muhammad ditabah Yang di-Pertuan Agong pertama pada 2 September. Istiadat pertabahan berlangsung di Dewan Tunku Abdul Rahman, Jalan Ampang. (*bawah*)



Empat lagi Yang di-Pertuan Agong ditabah di dewan bersejarah ini: Tuanku Syed Putra Syed Hassan Jamallulail (4 Januari 1961), Tuanku Ismail Nasiruddin Shah ibni Almarhum Sultan Zainal Abidin (11 April 1966), Tuanku Abdul Halim Muazzam Shah Sultan Badli Shah (20 Februari 1971), Tuanku Yahya Petra Sultan Ibrahim (28 Februari 1976).

Sultan Hisamuddin Alam Shah Alhaj, sultan selangor keenam, dilantik Yang di-Pertuan Agong kedua pada 1 April 1960 tetapi tidak sempat ditabah. Baginda mangkat pada 1 September 1960, tarikh Baginda dijadual ditabah.

Bangunan yang menempatkan dewan ini sekarang dikenali Pusat Pelancongan Malaysia (Matic).

1959

Persidangan pertama Parlimen Persekutuan Tanah Melayu pada 12 September juga berlangsung di dewan ini. Sidang ini dirasmikan Tuanku Abdul Rahman Tuanku Muhammad.

Persidangan itu dihadiri 104 ahli parlimen yang dipilih dalam pilihan raya umum 19 Ogos.

Bangunan ini asalnya kediaman seorang pelombong dan pengusaha ladang getah tetapi diubah suai untuk jadikan dewan persidangan Dewan Rakyat dan Dewan Negara.

1960

Parlimen meluluskan Akta Ibu Kota Persekutuan 1960 (Akta 190). Akta ini dibaca bersama Perkara 154 Perlembagaan Persekutuan.

Bidang kuasa pihak berkuasa tempatan di Kuala Lumpur (ketika itu Majlis Perbandaran Kuala Lumpur di bawah kerajaan Selangor) telah dipindahkan dari senarai kerajaan negeri ke kerajaan persekutuan sepenuhnya.

Jawatan pesuruhjaya ibu kota Kuala Lumpur

jugadiwujudkan mengikut akta ini yang dilantik oleh Yang di-Pertuan Agong bagi menguruskan pentadbiran bandar ini, yang diisythar bandar raya pada 1 Februari 1972.

1962

Institusi pengajian tinggi pertama negara Universiti Malaya ditubuhkan di Kuala Lumpur pada 1 Januari. Ia asalnya gabungan Kolej Perubatan King Edward VII (1905) dan Kolej Raffles (1928) di Singapura.

Canselor pertamanya Tunku Abdul Rahman Putra Alhaj, yang juga perdana menteri.

Kampus universiti terletak di barat daya Kuala Lumpur dan bersempadan dengan Petaling Jaya. Di sebelahnya, di tengah Lebuhraya Persekutuan, tersergam pintu gerbang Kota Darul Ehsan yang menjadi lambang penting sempadan wilayah baharu persekutuan dengan Selangor.

1969

Rusuhan kaum pada 13 Mei bermula di Jalan Raja Muda Abdul Aziz, Kampung Baru. Darurat diisythar di Kuala Lumpur. Perdana Menteri Tunku Abdul Rahman Putra Alhaj merakam peristiwa ini dalam buku May 13: Before and After.

Bangunan Kelab Sultan Sulaiman dijadikan tempat perlindungan orang Melayu yang lari dari kawasan berdekatan dan sekitar Chow Kit. Ia juga dijadikan markas sementara tentera dan Pasukan Polis Hutan (kini, Pasukan Gerakan Am).

1972

Kuala Lumpur diisythar bandar raya pertama di Malaysia pada 1 Februari.

Perdana Menteri Tun Abdul Razak Hussein menyampaikan surat pengisytiharan bagi pihak Yang di-Pertuan Agong kepada Menteri Teknologi, Penyelidikan dan Kerajaan Tempatan Dato' Ong Kee Hui di Parlimen.

Pesuruhjaya Ibu Kota Tan Sri Lokman Yusuf dilantik datuk bandar pertama Kuala Lumpur.

1974


Upacara menandatangani Perjanjian Penyerahan Kuala Lumpur sebagai wilayah persekutuan diadakan di Istana Negara pada 1 Februari.

Selangor diwakili Sultan Salahuddin Abdul Aziz Shah Alhaj, sementara kerajaan pusat pula diwakili Yang di-Pertuan Agong Tuanku Abdul Halim Muadzam Shah. (*atas*)

Majlis itu disaksikan antaranya Raja-Raja Melayu, Perdana Menteri Tun Abdul Razak Hussein dan Menteri Besar Selangor Dato' Harun Idris.



Deretan rumah kedai diperbuat atap rumbia dan kayu di Kuala Lumpur pada 1880. Sejak kebakaran besar setahun kemudian, semua bangunan dibina menggunakan batu bata.*



Persidangan Raja-Raja Negeri-Negeri Melayu Bersekutu (Durbar) kedua di Taman Tasik Perdana, Kuala Lumpur pada 1903. Sidang pertama berlangsung pada 1897.*



Raja-raja Melayu dan pembesar memerintah bagi Negeri Sembilan selepas termeterai Perjanjian Persekutuan Tanah Melayu di Carcosa Seri Negara pada 1 Februari 1948*



Panorama Masjid Jamek Kuala Lumpur pada 1910. Masyarakat Melayu menyumbang \$12,000 bagi menampung kos pembinaan. Masjid itu dirasmikan pada Disember 1909**



Suasana Sungai Gombak dari seberang Pejabat Kerajaan Kuala Lumpur pada 1920. Bangunan itu kemudian dikenali Bangunan Sultan Abdul Samad mulai 1974*




Pemandangan Padang Kelab Selangor dan Bukit Aman dari seberang Sungai Gombak pada 1894. Bangunan Sultan Abdul Samad belum dibina**



Padang Kelab Selangor dan bangunan Sultan Abdul Samad pada 1910. Padang itu lokasi bendera Union Jack diturunkan. Binaan itu pusat pentadbiran Kerajaan Selangor**



Orang ramai menyaksikan perarakan kemenangan tentera Britain selepas tamat Perang Dunia Kedua di hadapan Bangunan Sultan Abdul Samad pada 1945**



Pengisytiharan kemerdekaan Tanah Melayu di Stadium Merdeka. Mula dibina sejak 25 September 1956, stadium itu siap 10 hari sebelum detik bersejarah 31 Ogos 1957*



Railway Station, Kuala Lumpur, in 1893 (on present site).
65



Pasar barang basah seperti ikan, daging dan sayur-sayuran pada 1920-an. Binaan ini siap diubah suai pada 1986 untuk tarikan pelancong dengan nama baharu Pasar Seni**



Keadaan Jalan Raja Abdullah, Kampung Baru selepas rusuhan kaum 13 Mei 1969. Tragedi bermula dari kawasan berdekatan di Jalan Raja Muda Abdul Aziz**

Harimau terakhir KL dihanyut bah besar

Pada awal tahun 1881, sebuah kejadian kebakaran telah memusnahkan hampir seluruh bandar.

Pondok-pondok yang memang lekeh pada asalnya dibina kembali, namun pada bulan Disember tahun yang sama air sungai melimpah, menyebabkan banjir yang menghanyutkan jambatan utama (lintasan Market Street) dan menenggelamkan sebahagian besar bandar, termasuk rumah besar Yap Ah Loy sendiri walaupun beliau cuba mencegahnya dengan membina benteng.

Di antara barangannya yang terjejas ialah meja biliard yang baru dan masih berbungkus.

Bagaimanapun Kapitan Cina ini yang tidak mudah menyerah kalah membawa masuk para buruh dari lombong bijih berdekatan untuk membina kembali Kuala Lumpur.

Keadaan kebersihan kian merosot sehingga sekawtu Gabenor [Frederick] Weld berkunjung pada tahun 1882, beliau melihat beberapa kumpulan buruh berkereta lembu berhempas-pulas membersihkan kotoran di jalanan yang “berpenyakit.”

Pada pertengahan dekad 1880-an, bandar Kuala Lumpur telah siap dibangunkan semula dengan menggunakan batu-bata dan jubin menggantikan kayu dan atap, manakala halaman depan bangunan diperkecilkan untuk melebarkan jalan.

Pembangunan terpaksa dilaksanakan secara bertahap dalam tempoh dua atau tiga tahun bagi meringankan permintaan terhadap bahan binaan.

Pembinaan bangunan hanya dilakukan di sebuah jalan pada satu-satu masa; apabila semua bangunan di sepanjang jalan berkenaan sudah selesai dibina, baru dimulakan pembinaan bangunan di jalan lain.

Menjelang tahun 1884, sebanyak 234 rumah siap dibina semula (atau dibina baru) dan sejumlah 214 lagi pada tahun 1885 dan tambahan 159 pada tahun 1886.

Di kawasan kerajaan, projek pembinaan semula turut dilaksanakan. Bangunan kayu lama yang dulu dibawa dari Klang dan dipasang semula di Kuala Lumpur telah digantikan dengan bangunan batu dan beratap genting yang

sederhana tetapi lebih tahan lama. Pembinaan terbesar melibatkan pejabat baru kerajaan yang menelan biaya \$30,000. Pada tahun 1887, apabila pembinaan semula telah selesai, sejumlah 518 rumah batu tertegak di Kuala Lumpur dan hanya satu sahaja di antaranya yang berusia lebih lima tahun.

Menjelang tahun 1889, keadaan mengizinkan kerajaan untuk mengeluarkan larangan terhadap bangunan beratap rumbia dalam kawasan bandar.

Kesan tidak langsung daripada projek pembinaan semula ini ialah perkembangan pesat relau pembakar bata, kilang kayu dan lain-lain bahan binaan yang terletak di pinggir pekan.

Pada tahun 1888, terdapat 33 relau bata dan 16 relau batu kapur di sekitar bandar Kuala Lumpur. Kilang-kilang kayu yang menggunakan mesin pula menggantikan gergaji liang dan tangan.

Rapi dan cantik

Dua tahun sebelum itu, Weld yang menyebut bahawa bandar tersebut yang pada tahun 1882 “kotor dan menyakit mata” kini sudah bertukar menjadi “bandar Cina dan Melayu yang paling rapi dan cantik” di antara semua bandar Negeri-negeri Selat atau negeri-negeri Melayu memandangkan Kuala Lumpur mempunyai “rumah dan kedai yang indah, bercat terang dan banyak yang dihiasi ukiran dan warna keemas-emasan.”

Beberapa lama kemudian, pasukan sukarelawan bomba pula ditubuhkan oleh [Henry] Bellamy, ketua jabatan kerjaraya, dan dilengkapi dengan pam wap, tangki air dan hos panjang yang diletak di atas pedati dan ditarik oleh kuda shire yang besar dan gagah seperti pedati penarik tong arak di England.

Melihat Bellamy berdiri di atas kotak pedati, memimpin briged pemadam api ke sesuatu kebakaran, menimbulkan rasa kagum dalam benak orang ramai dan memberi keyakinan kepada mereka.

Banjir teruk terus mengancam Kuala Lumpur selama separuh abad, namun berselang-seli dalam suatu jarak waktu yang lama. Sejak tahun 1880 dan seterusnya, laluan sungai di bandar ini telah diluruskan secara berdikit-dikit dan benteng telah dibina di tempat air selalu melimpah.

Pada tahun 1890-an, kerja-kerja

tersebut telah membuka ruang untuk pembinaan gudang barang keretapi dan bengkel kejuruteraan.

Selepas banjir besar tahun 1926 melumpuhkan banyak kawasan bandar, satu penyelesaian berkesan telah ditemui, iaitu dengan menggunakan kaedah Lornie Cut yang meminda aliran sungai di bahagian hilir bandar.

Perubahan ini diuji oleh banjir yang sekali lagi berlaku pada tahun 1930. Kali ini, air yang deras menghempas tebing-tebing tinggi dan turut menghanyutkan seekor harimau yang terjatuh ke dalam sungai—kali terakhir harimau dilihat berkeliaran dalam bandar ini.

Masalah-masalah awal tersebut telah berjaya diatasi pada tahun 1887, membolehkan wang dibelanjakan untuk projek lebih besar.

Bangunan-bangunan baru hospital telah siap dibina pada tahun 1890, manakala pembangunan landasan keretapi dan jalanraya telah dijelaskan sebelum ini.


Stesen keretapi dibina di bahagian barat tebing sungai untuk kemudahan para penumpang. Oleh kerana kedudukan stesen di tengah-tengah, landasannya menjalar menerusi bandar dan menimbulkan beberapa kesan tidak langsung.

Misalnya, pada suatu masa ada landasan merentasi pusat bandar, tempat Jalan Tan Cheng Lock kini, dan ia lebih lebar dari kebanyakan jalan lama.

Kemuncak pembangunan landasan keretapi dalam bandar ini ialah pembinaan stesen keretapi yang ada kini dan telah siap dibina pada tahun 1911.

Senibinanya yang disebut sebagai “gaya Mahometan,” meniru aliran senibina yang serupa di India.

Gaya ini pertama kali diperkenalkan di Kuala Lumpur




“

Air yang deras menghempas tebing-tebing tinggi dan turut menghanyutkan seekor harimau yang terjatuh ke dalam sungai—kali terakhir harimau dilihat berkeliaran dalam bandar ini

dalam pembinaan bangunan baru kerajaan (kini Bangunan Sultan Abdul Samad), pada 1897, sebagai usaha terancang untuk mencantikkan rupa bandar dengan membina bangunan besar, menonjol dan mempunyai rekabentuk asli.

Petikan muka surat 173-175 buku Sejarah Selangor, 1766-1939 terjemahan buku A History of Selangor, 1766-1939 tulisan JM Gullick. Ia boleh dibeli melalui bukuibde.com atau toko Rencana di Bandar Sri Damansara, Petaling Jaya.



Kampung Melayu di pusat kota

terawal datang ke sini adalah orang Melaka yang banyak tinggal di tepi Sungai Klang," kata Setiausaha MAS Shamsuri Suradi kepada Selangorkini pada 16 Januari.

Meski tujuan penubuhan Kampung Baru untuk pertanian, namun hasrat berkenaan tidak tercapai dan penempatan itu diisyihar kurang sesuai untuk pertanian pada 1902.

Buku Pameran Tiga Era: Mengimbas Kembali menyebut penggunaan peralatan import dari Britain tidak sesuai untuk penanaman padi di Kampung Baru.

Selain itu, kedudukannya di tebing Sungai Klang yang kerap dilanda banjir turut menjadi punca aktiviti pertanian sukar dilaksana.

Penduduk awal

Terletak di tengah bandaraya Kuala Lumpur, sempadan Kampung Baru di utara ialah Jalan Raja Muda Abdul Aziz (dahulu Princess Road), di selatan Jalan Dang Wangi (Campbell Road), di barat Jalan Tuanku Abdul Rahman (Batu Road) manakala sempadan timurnya ialah Sungai Klang.

Oleh NAZLI IBRAHIM
Foto REMY ARIFIN & HAFIZ OTHMAN

Sejarah Kampung Baru (ejaan lama Kampong Bharu) bermula pada 1899 apabila Duli Yang Maha Mulia (DYMM) Sultan Selangor kelima Sultan Alauddin Sulaiman Shah Raja Muda Musa mengurniakan tanah seluas 223 ekar kepada orang Melayu untuk mengusahai pertanian di Kuala Lumpur.

Pada 12 Januari tahun berikutnya, Lembaga Penempatan Pertanian Melayu (MAS) ditubuh untuk mentadbir penempatan terbesar orang Melayu di bandar berkenaan.

Kedudukan MAS dikanunkan menerusi

Seksyen 3 (1) The Malay Agricultural Settlement (Kuala Lumpur) Rules 1950 yang meletak kawalan Kampung Baru di bawah kuasa lembaga pentadbirnya.

Antara kuasanya membuat undang-undang kecil mentadbir, mengawal tanah dan meluluskan pelan pembinaan bangunan di Kampung Baru.

Pejabat MAS menyimpan pelbagai khazanah Kampung Baru seperti Register Malay Agricultural Settlement Kampong Bharu Kuala Lumpur Vol 1 berusia lebih 100 tahun, Minute Books For The Management Board dan pelan-pelan binaan rumah dahulu.

"Kampung Baru ini bukan sembarang kampung sebab ditubuhkan di bawah enakmen. Nama Kampung Baru itu sendiri adalah nama khusus yang merujuk sebuah tempat yang di dalamnya ada tujuh kampung untuk orang Melayu duduk."

"Ada dokumen menunjukkan orang Melayu mula tinggal di sini pada 1896 lagi. Antara yang

Ketua pengarang:
Fazallah Pit
fazallah@mediaselangor.com

Pengarang berita:
Afeeqa Afeera Abdul Rasol
afeeqa@mediaselangor.com

Penolong pengarang akhbar:
Afix Redzuan
Faridzwan Abdul Ghafar

Pemangku ketua wartawan:
Nadiah Zamlus
sitinadiah@mediaselangor.com

Jurufoto kanan:
Hafiz Othman

Ketua artis grafik:
Azwa Malek

Editorial: info@mediaselangor.com
Iklan: sales@mediaselangor.com
Pemasaran: marketing@mediaselangor.com

SelangorTV:
Marniza Othman
marniza@mediaselangor.com
Ameen Azizul
ameen@mediaselangor.com

Pemasaran dan Pengiklanan:
Suziana Zulkifli
suziana@mediaselangor.com

Pengedaran:
Adzhar Maludin
adzharmaludin@mediaselangor.com



Ketika pembukaan Kampung Baru, orang Melayu mendiami tujuh kampung di penempatan itu mengikut etnik masing-masing.

Orang berasal Melaka ramai tinggal di Kampung Hujung Pasir, Kampung Pindah dan Kampung Periok, sementara orang Jawa pula di Kampung Paya.

Manakala di Kampung Masjid pula menjadi tempat tinggal orang Mandailing, Rawa dan Minangkabau.

"Di Kampung Atas 'A' dan 'B' pula rata-ratanya orang berada. Mereka bijak, pilih kawasan tidak banjir," kata Shamsuri yang merupakan generasi ketiga penduduk Kampung Baru.

Mengikut bancian kali pertama pada 1928, terdapat 544 rumah dengan 2,600 orang di Kampung Baru.

Sejak bertambahnya penduduk, aktiviti sosial penduduk Kampung Baru turut berkembang, terutama keagamaan pada Ramadan, Maulidur Rasul, Maal Hijrah dan Hari Raya Aidiladha.

Paling terkenal aktiviti memasak bubur lambuk pada bulan puasa di Masjid Jamek Kampung Baru yang bermula sejak 1980-an.

"Program masak bubur lambuk ini bermula atas usaha jawatankuasa masjid. Asalnya cuma kecil-kecil tetapi makin lama makin besar kerana ramai beri sumbangan.

"Semasa DYMM Sultan Selangor kelapan Almarhum Sultan Salahuddin Abdul Aziz Shah Alhaj menjadi Yang di-Pertuan Agong, Baginda datang ke Masjid Jamek Kampung Baru pada bulan puasa dan bagi nama Bubur Lambuk Agung Masjid Jamek Kampung Baru," kata Shamsuri.

Ketika Masjid Negara belum ada, Masjid Jamek Kampung Baru menjadi pusat tumpuan muslim di Kuala Lumpur untuk beribadah dan meraikan hari kebesaran Islam.

Masjid berkenaan juga menarik kedatangan ramai ulama Indonesia berceramah termasuk Hamka (Abdul Malik Karim Amrullah).

Selain keagamaan, aktiviti kesenian, sukan

dan majlis keraian lain turut berkembang seperti kelas tarian zapin, kompong, gamelan dan lain-lain.

Persatuan juga banyak ditubuhkan antaranya Persatuan Jawa Peranakan dan Persatuan Badminton Bawean Putra.

Aktiviti ekonomi turut berkembang dan ada perniagaan generasi terdahulu masih kekal diwarisi anak cucu mereka. Antara yang terkenal ialah Nasi Lemak Mak Wajor yang bermula pada 1963.

Institusi pendidikan turut berkembang dengan pembinaan beberapa sekolah sekitar Kampung Baru.

Antara sekolah terawal, Sekolah Perempuan Melayu atau kini Sekolah Menengah Kebangsaan Puteri Wilayah dibina di Jalan Dewan Sultan Sulaiman (dahulu Jalan Stony) pada 1914 dan Sekolah Kebangsaan Jalan Raja Muda (dahulu Sekolah Umum Princess Road) diasaskan pada 1938.

Perdana Menteri Datuk Seri Anwar Ibrahim ketika aktif sebagai aktivis mahasiswa mengasaskan Yayasan Anda Akademik di Jalan Dewan Sultan Sulaiman pada 1971 untuk mendidik pelajar tercincir dalam pelajaran dan berpeluang ke universiti.

Rakam sejarah

Sejak kewujudannya, Kampung Baru merakam pelbagai peristiwa penting sejarah bangsa. Antaranya perhimpunan

kongres Melayu pertama di Kelab Sultan Sulaiman Kampung Baru pada 1 hingga 4 Mac 1946.

Bertitik tolak daripada perhimpunan itulah, orang Melayu bersatu menentang Malayan Union sehingga membawa kepada penubuhan Persekutuan Tanah Melayu pada 1948.

Peristiwa penting lain ialah pilihan raya persekutuan pertama di Kelab Sultan Sulaiman pada 1955 dan perasmian Masjid Jamek Kampung Baru oleh Perdana Menteri Tunku Abdul Rahman Putra Alhaj pada 1959.

Namun, sejarah paling diingati ialah tragedi berdarah 13 Mei 1969, di mana Kampung Baru ialah lokasi utama berlakunya rusuhan sebelum ia merebak ke beberapa kawasan di Kuala Lumpur.

TARIKH PENTING SEJARAH KAMPUNG BARU

1899 Sultan Alauddin Sulaiman Shah serah tanah untuk penempatan pertanian dan mewujudkan Kampung Baru.

Terdahulu, Residen Jeneral Negeri-negeri Melayu Bersekutu Sir Frank Swettenham dan Residen British Selangor JP Rodgers menyuarakan hasrat mengadakan penempatan Melayu di Kuala Lumpur

1900 Kerajaan Selangor menukuhan Lembaga Penempatan Pertanian Melayu (MAS)

1901 penanaman padi di tanah seluas empat ekar oleh 16 petani

1902 penanaman padi diisytihar tidak sesuai di Kampung Baru

1914 Sekolah Perempuan Melayu diwujudkan. Penduduk Kampung Hujung Pasir dan Kampung Periok diberi hak milik

1927 Kampung Baru menerima bekalan air paip dan lampu jalan

1942 – 1945 Jepun menduduki Tanah Melayu. Timbalan pengurus MAS ialah orang Jepun. Minit mesyuarat ditulis bahasa Jepun dan bahasa Melayu

1946 Kongres Melayu pertama di Kelab Sultan Sulaiman diketuai Datuk Onn Jaafar antara 1 hingga 4 Mac

1955 pilihan raya persekutuan pertama di Kelab Sultan Sulaiman

1957 Masjid Jamek Kampung Baru siap. Kos pembinaan ditanggung Kerajaan Selangor dan penduduk kampung

1966 Perbadanan Kemajuan Negeri Selangor (PKNS) membina Flat PKNS di Kampung Baru

1969 Rusuhan kaum tercus di Jalan Raja Muda Abdul Aziz Kampung Baru pada 13 Mei

1975 Dewan Bandaraya Kuala Lumpur (DBKL) sediakan pelan tanah untuk pembangunan bersepadu, namun tidak dilaksana

1985 DBKL cadang pembangunan plot individu dengan peruntukan RM5 juta, tetapi tidak berjaya

1991 DBKL diarah perdana menteri ambil alih sebahagian Kampung Baru untuk dibangunkan dalam tempoh empat tahun bawah Majlis Pembangunan Kampung Baru. Usaha itu gagal

2012 Perbadanan Pembangunan Kampung Baru ditubuhkan untuk membangunkan kawasan itu

2015 Rancangan Pembangunan Bersepadu Kampung Baru 2035 diumum. UDA Holdings Berhad lancar Projek Legasi Kampung Baru di Jalan Raja Muda Musa

Sumber kertas kerja Urban Revitalisation for a City's Soul: The Case of Kampung Bharu (2017) oleh Halimaton Saadiah Hashim, Sarah Aziz & Nik Mohd Ruiz Razy

Insiden hitam itu mengubah perjalanan sejarah negara dan meninggalkan dampak amat mendalam terhadap dasar kerajaan berkaitan ekonomi, sosial dan hubungan antara kaum sehingga hari ini.

Pada 1 Februari 1974, Kuala Lumpur diserahkan kepada kerajaan persekutuan dan dijadikan ibu negara Malaysia. Perjanjian penyerahan ditandatangani Almarhum Sultan Salahuddin Abdul Aziz Shah Alhaj dan Yang di-Pertuan Agong Tuanku Abdul Halim Mu'adzam Shah Sultan Badlishah.

Penyerahan Kuala Lumpur menyebabkan seluruh Kampung Baru terletak di bawah kerajaan persekutuan.

Pada 2 Disember 2019, DYMM Sultan Selangor Sultan Sharafuddin Idris Shah Alhaj bertitah Baginda menyerahkan sebarang urusan berhubung status MAS kepada Kementerian Wilayah Persekutuan untuk diselesaikan mengikut peruntukan undang-undang semasa.





Anwar mempersembahkan Surat-surat Perisyiharan Memegang Jawatan Yang di-Pertuan Agong ke-17 kepada Sultan Ibrahim dalam Istiadat Melafaz dan Menandatangani Surat Sumpah Jawatan di Istana Negara, Kuala Lumpur pada 31 Januari. Foto Facebook Sultan Ibrahim Sultan Iskandar

Al-Sultan Abdullah seru hormati demokrasi

Tukar kerajaan rugikan negara

SHAH ALAM - Yang di-Pertuan Agong ke-16 mengingatkan perihal pentingnya menghormati proses demokrasi supaya sebuah kerajaan dibentuk selepas pilihan raya umum dikelak hingga tamat penggal.

Duli Yang Maha Mulia Al-Sultan Abdullah Ri'ayatuddin Al-Mustafa Billah Shah bertitah pertukaran kerajaan tidak menjamin apa-apa, hanya merugikan negara selain menjaskan pelaburan asing, lapor Bernama.

"Pertukaran kerajaan ini bukanlah perkara yang mudah kerana ini me-

rugikan kita, rakyat dan negara, rugi kewangan, rugi masa.

"Saya bukan hendak menidakkannya mana-mana pihak politik tapi pengalaman menukar kerajaan itu satu proses yang cukup merugikan negara."

"Kita ada proses demokrasi tertulis setiap lima tahun kita ada pilihan raya, jadi biarlah sekurang-kurangnya empat, lima tahun sesebuah kerajaan untuk memerintah."

"Bukan sekadar hanya satu dua tahun hendak tukar sewenang-wenangnya," titah Baginda dalam sesi wawancara bersama editor dan wartawan kanan media utama pada 29 Januari.

Menamatkan penggal pemerintahan pada 31 Januari, Baginda bertitah pemimpin perlu memajukan negara, meningkatkan ekonomi dan menyatupadukan kaum dengan tidak terlalu berpolitik.

Seri Paduka selaku ketua negara mengambil berat urusan pentadbiran dan mengadakan mesyuarat pra-kabinet antara 45 minit hingga sejam dengan perdana menteri pada setiap minggu.

Perluas program jualan murah

SHAH ALAM - Program Jualan Termurah Khidmat Demi Rakyat akan diperluas ke seluruh negara bagi membantu mengurangkan kos hidup rakyat khususnya golongan berpendapatan rendah.

Perdana Menteri Datuk Seri Anwar Ibrahim berkata kerajaan mengambil pelbagai langkah termasuk menaikkan kadar Sumbangan Tunai Rahmah (STR) bagi meringankan beban rakyat, lapor Bernama.

Mengambil berat keluhan orang ramai, beliau mengakui pertambahan

han nilai bantuan berkenaan tidak akan mencukupi jika harga barang keperluan harian berterusan meningkat.

"(Jadi) kita perbanyakkan, kerapkan, perluaskan jualan murah terutama barang keperluan ikan, ayam, beras dan sebagainya," kata menteri kewangan itu di Ipoh pada 28 Januari.

Beliau mengadakan tinjauan di pasar raya Mydin di Meru Raya dan kaunter bergerak Lembaga Hasil Dalam Negeri Perak bagi semakan

penerima STR dan Sumbangan Asas Rahmah (SARA).

Anwar menjelaskan kerajaan menerusi Mesyuarat Khas Majlis Tindakan Sara Hidup (NACCOL) terus mencari ikhtiar bagi mencari penyelesaian peningkatan sara hidup sehingga ke akar umbi.

"Kos meningkat di pasaran mana-mana negara di dunia, percayalah ia tidak mudah, tetapi kita ambil setiap keluhan dan akan terus cari jalan," katanya.

Sultan Ibrahim lafaz sumpah Agong ke-17

SHAH ALAM - Sultan Johor Duli Yang Maha Mulia Sultan Ibrahim melafaz sumpah memegang jawatan sebagai Yang di-Pertuan Agong ke-17 dalam upacara penuh adat istiadat di Istana Negara, Kuala Lumpur pada 31 Januari.

Turut melafaz sumpah memegang jawatan ialah Sultan Perak Sultan Nazrin Shah sebagai Timbalan Yang di-Pertuan Agong, lapor Bernama.

Sultan Ibrahim dan Sultan Nazrin Shah dipilih Raja-Raja Melayu pada Mesyuarat Majlis Raja-Raja ke-263 (Khas) di Istana Negara, pada Oktober tahun lepas bagi tempoh lima tahun mulai 31 Januari.

Malaysia, satu daripada 43 negara di dunia yang mengamalkan sistem pemerintahan raja berperlembagaan melalui sistem penggiliran dalam kalangan sembilan raja Melayu.

Perdana Menteri Datuk Seri Anwar Ibrahim turut merafat sembah setinggi-tinggi tahniah kepada Sultan Ibrahim dan Raja Zarith Sofiah serta mendoakan Baginda berdua sentiasa dilimpahi rahmat-Nya.

Lindungi 40,000 pemandu teksi

SHAH ALAM - Seramai 40,000 pemandu teksi di negara ini bakal menerima perlindungan Pertubuhan Keselamatan Sosial (Perkeso), kata Menteri Pengangkutan Anthony Loke.

Beliau menjelaskan inisiatif tersebut bertujuan menjaga kebijakan pemandu berkenaan yang kebanyakannya terdiri warga emas dan veteran tentera, lapor Bernama.

Katanya, bantuan itu antara usaha kerajaan untuk membantu rakyat menerusi hasil kutipan bidaan nombor pendaftaran istimewa selama ini yang manfaatnya dikembalikan rakyat.

"Kalau jadi apa-apa pada mereka, sekurang-kurangnya inisiatif yang kami berikan ini dapat beri perlindungan kepada golongan ini," katanya pada 30 Januari.

Fama buka 14 lagi pasar tani

SHAH ALAM - Lembaga Pemasaran Pertanian Malaysia (Fama) berhasrat untuk membuka 14 pasar tani baharu di seluruh negara pada tahun ini.

Menjelaskan ada 223 pasar sedemikian yang disertai 8,542 usahawan, Ketua Pengarahnya Abdul Rashid Bahri berkata Fama juga akan menaik taraf 40 pasar tani sedia ada, lapor Bernama.

"Pada 1985, pasar tani hanya berjumlah 12 buah melibatkan 317 peserta dengan nilai jualan RM1.4 juta setahun," katanya dalam kenyataan pada 31 Januari.

Pasar tani pertama dibuka di Kompleks Bilik Sejuk Fama Tamboi, Johor Bahru pada 31 Januari 1985 oleh Perdana Menteri Datuk Seri Anwar Ibrahim ketika masih menteri pertanian.

Cuaca kering lebih buruk

Awasi titik panas kebakaran



PKNS
PERBADANAN KEMAJUAN NEGERI SELANGOR
(SELANGOR STATE DEVELOPMENT CORPORATION)

KENYATAAN PRA KELAYAKAN

TAJUK : KONTRAKTOR BERDAFTAR PKNS BAGI SESI 2024-2025

Perbadanan Kemajuan Negeri Selangor mempelawa **SECARA TERBUKA** kepada semua **Kontraktor-Kontraktor yang mempunyai Sijil Perolehan Kerja Kerajaan** berdaftar dengan **Lembaga Pembangunan Industri Pembinaan Malaysia (LPIP/CIDB)** dalam Gred, Kategori dan Pengkhusus yang berkaitan untuk berdaftar sebagai Kontraktor Berdaftar PKNS bagi sesi **2024-2025**.

Syarat-Syarat Kelayakan:-

- a) Lembaga Pembangunan Industri Pembinaan Malaysia (LPIP/CIDB)
 - i) Kontraktor hendaklah berdaftar dengan CIDB dalam gred, kategori dan pengkhusus yang dinyatakan. (**Wajib**)
 - ii) Sijil Perolehan Kerja Kerajaan (SPKK) dari CIDB. (**Sekiranya Ada**)
- b) Gred, Kategori dan Pengkhusus (CIDB)

G7

(Pendaftaran Wajib CIDB).

Kategori Bangunan (B)
B01 / B02 / B04 / B05 / B06 / B07 / B09 / B10 / B11 / B12 / B13 / B15 / B24 / B28

Kategori Kejuruteraan Awam (CE)
CE01 / CE08 / CE10 / CE11 / CE12 / CE14 / CE19 / CE21 / CE29 / CE30 / CE36

Kategori Mekanikal (ME)
M01 / M02 / M03 / M04 / M20

Kategori Elektrikal (ME)
E01 / E02 / E03 / E04 / E05 / E07 / E08 / E11 / E16

(Tidak hanya tertakluk kepada satu pengkhusus sahaja)
- c) Sijil Pengiktirafan Taraf Bumiputera daripada Pusat Khidmat Kontraktor (PKK) (sekiranya ada).
- d) Sijil atau Lesen dari Pihak Berkusa Tempatan (sekiranya ada).
Contoh : Sijil Suruhanjaya Perkhidmatan Air Negara (SPAN), Sijil Tenaga Nasional Berhad (TNB) atau apa-apa sijil yang berkaitan.
- e) Mempunyai pensijilan dan pengalaman kerja seperti yang disenaraikan di bawah:
 - i) Sistem Pengurusan Kualiti (MS ISO 9001:2015);
 - ii) Sistem Pengurusan Keselamatan & Kesehatan Pekerjaan (MS ISO 45001:2018);
 - iii) Sistem Pengurusan Alam Sekitar (MS ISO 14001:2015);
 - iv) Pengalaman 'Qlassic' atau 'CONQUAS' bagi projek perumahan.
- f) Mempunyai sijil SCORE CIDB dengan minimum 3 Bintang dan masih berkuatkuasa melebihi enam (6) bulan dari tarikh tutup pra kelayakan.
- g) Mempunyai apa-apa sijil/pentaulahan dalam bidang pembangunan.
- h) Mempunyai Keupayaan Kewangan dan Keupayaan Teknikal yang baik.

NOTA :

- i) Kontraktor berdaftar yang telah disenaraihitam oleh CIDB adalah **TIDAK LAYAK** untuk menyertai Pra Kelayakan Pendaftaran Kontraktor Berdaftar PKNS ini.
- ii) Sila bawa bersama Sijil Perakuan Pendaftaran Kontraktor dan Sijil Perolehan Kerja Kerajaan (SPKK) dari Lembaga Pembangunan Industri Pembinaan Malaysia (CIDB) serta Sijil Pengiktirafan Taraf Bumiputera (PKK) bagi Syarikat Bumiputera (sekiranya ada). Sila bawa bersama **Sijil ASAL (wajib dibawa)** bagi tujuan pengesahan dan **SATU SALINAN** semasa membeli dokumen.
- i) Maklumat Pembelian & Penghantaran Dokumen:
 - i) Tempat untuk mendapatkan dan menghantar Dokumen Pra Kelayakan : Bahagian Perolehan, Tingkat 2, Blok D, Bangunan Ibu Pejabat PKNS, No. 2, Jalan Indah 14/8, Seksyen 14, 40000 Shah Alam, Selangor
 - 01 Februari 2024 – 15 Februari 2024
 - 9.00 pagi - 4.00 petang (Isnin hingga Jumaat)
 - ii) Tarikh & Waktu untuk mendapatkan Dokumen : **RM50.00 (Ringgit Malaysia : Lima Puluh Sahaja) bagi setiap satu Gred CIDB (bayaran ini tidak akan dikembalikan).**
 - Bayaran pembelian dokumen tender boleh dibuat seperti berikut:
 - i) Melalui Tunai atau Draf Bank atas nama Perbadanan Kemajuan Negeri Selangor.
 - ii) Pihak syarikat adalah diminta untuk mengemukakan Draf Bank atau Bayaran Tunai tersebut kepada **Kaunter Pembayaran di Tingkat Bawah, Blok B, Ibu Pejabat PKNS Shah Alam** dan mendapatkan resit pembayaran sebelum hadir ke Bahagian Perolehan untuk membeli Dokumen Pra Kelayakan Tender.
 - iv) Tarikh Tutup Pra Kelayakan : **22 Februari 2024 sebelum jam 12.00 tengah hari**

Dokumen Pra Kelayakan akan dikeluarkan kepada Kontraktor yang sah sahaja. Sekiranya pihak Kontraktor menghantar wakil, sila bawa bersama Surat Perwakilan Kuasa daripada Pengarah Syarikat yang berdaftar.

Dokumen Pra Kelayakan yang telah lengkap hendaklah dimasukkan ke dalam sampul surat dan dicatat dengan jelas '**Pra Kelayakan Kontraktor Berdaftar PKNS 2024-2025**' berserta '**Gred**' terlibat di sebelah kiri atas sampul serta dimasukkan ke dalam peti seperti di alamat di atas.

Dokumen Pra Kelayakan yang diterima selepas tarikh dan waktu tutup yang telah ditetapkan akan **DITOLAK**.

Hanya Kontraktor yang lulus peringkat Penilaian Pra Kelayakan sahaja akan dimaklumkan secara bersurat dan didaftarkan sebagai Kontraktor Berdaftar PKNS.

SHAH ALAM - Jabatan Bomba dan Penyelamat Malaysia memberi tumpuan terhadap lebih 400 titik panas kebakaran di seluruh negara berikutan musim kemarau yang dijangka bermula bulan depan.

Ketua Pengarahnya Datuk Nor Hisham Mohamad berkata lokasi itu ialah kawasan gambut, tapak pelupusan yang dimiliki atau operasinya dikendali pihak berkuda tempatan dan tapak haram.

Menjelaskan cuaca kering tahun ini lebih buruk berbanding sebelum ini, beliau mengakui lokasi paling mudah terbakar ialah kawasan gambut di Selangor, Pahang, Johor, Sabah dan Sarawak.

"Jadi, kita akan beri tumpuan kepada lokasi-lokasi hotspot yang dikenal pasti,"



katanya seperti dilapor Bernama pada 29 Januari.

Justeru, beliau meminta orang ramai supaya membuat laporan segera kepada jabatan bomba jika mengetahui maklumat berhubung pihak tidak bertanggungjawab yang melakukan kebakaran.

Selain itu, Nor Hisham yang memimpin jabatan itu sejak 9 Januari menyasarkan penubuhan 300 Pasukan Bomba Komuniti (PBK) dan tujuh pasukan bomba sukarela (PBS) baharu pada tahun ini.

Beliau juga mahu menggerakkan inisiatif pendigitalan dengan lebih agresif melalui pelaksanaan dua projek berimpak tinggi pada tahun ini termasuk pemodenan pusat kawalan komunikasi.

Kaji mansuh pencen sejak 1990-an

SHAH ALAM - Rancangan untuk mengganti skim pencen dalam kalangan penjawat awam telah dikaji kerajaan sejak 1990-an lagi bagi mengelakkan negara berdepan risiko muflis.

Perdana Menteri Datuk Seri Anwar Ibrahim menjelaskan penggantian sistem tersebut bertujuan supaya kedudukan keuangan negara tidak menjelaskan generasi masa depan, lapor Bernama.

"Sudah puluhan tahun dikaji, kalau tidak silap saya 90-an dulu sudah dikaji tetapi tidak ada tekad politik untuk buat (laksanakan)," katanya.

Menjelaskan sistem pencen tidak lagi diamal sebahagian negara maju, beliau berkata ahli-ahli politik juga perlu mene-

rima kenyataan mereka juga tidak menerima pencen selepas ini.

"Jika selepas ini, mereka tidak mahu bertanding pilihan raya umum kerana tiada lagi pencen, itu terpulang kepada mereka," katanya.

Sebelum ini, timbalan perdana menteri menjelaskan penjawat awam sedia ada tidak terjejas dan terus menerima pencen, hanya lantikan baharu perlu mencarum Kumpulan Wang Simpanan Pekerja.

Datuk Seri Ahmad Zahid Hamidi juga mengulangi komitmen kerajaan untuk menaikkan kadar gaji penjawat awam mengikut kemampuan kerajaan berikut tiada penilaian dibuat dalam 12 tahun.

Rekod kes kusta meningkat 40 peratus

SHAH ALAM - Kes kusta meningkat 40 peratus kepada 256 kes pada tahun lalu berbanding 183 kes tahun sebelumnya, kata Menteri Kesihatan Datuk Seri Dr Dzulkefly Ahmad.

Beliau berkata individu yang bergejala dan tanda jangkitan perlu menjalani ujian torehan kulit atau biopsi kulit bagi pengesahan diagnosis, lapor Bernama.



dalam tempoh enam bulan sehingga 18 bulan.

"Jika lewat atau tidak mendapat rawatan, pesakit boleh mendapat komplikasi seperti buta, kelemahan dan kecacatan kekal di otot kaki dan tangan," katanya sempena Hari Kusta Sedunia.

Sambutan itu dirayakan pada Ahad terakhir Januari setiap tahun untuk memberi kesedaran kepada masyarakat bahawa penyakit itu masih wujud dan boleh menjangkiti kepada yang berisiko.



PILIH... Peserta mencari bingkai cermin mata ketika Saringan Kesihatan Peka B40 Percuma DUN Kota Anggerik di Seksyen 11, Shah Alam pada 27 Januari. Foto FIKRI YUSOF ► BERITA MUKA 23

Hadiah buat 116 pembayar cukai

Menang RM300,000 cabutan bertuah

Oleh FITRI HAZIM HAZAM

SHAH ALAM - Seramai 116 pembayar cukai taksiran Majlis Perbandaran Ampang Jaya (MPAJ) menang cabutan bertuah bernilai lebih RM300,000 dalam kempen Jom Bayar Cukai Taksiran MPAJ 2023.

Sebanyak 45,721 akaun dipilih menyertai cabutan bulanan manakala 3,740 lagi bagi hadiah utama melibatkan kutipan lebih RM44 juta bagi

penggal kedua mulai September hingga Disember 2023.

Keseluruhan bernilai lebih RM300,000, hadiah utama disediakan MPAJ iaitu empat motosikal Honda selain 116 unit lagi antaranya basikal bukit elektrik, komputer riba dan jam tangan.

Dalam majlis pada 27 Januari, 50 pembayar cukai taksiran diberi penghargaan atas rekod baik dan memiliki kesungguhan melunas bayaran mengikut tempoh tanpa gagal antara

1992 hingga 2023.

Seramai 50 pemilik daripada 5,517 pemilik akaun yang rekodnya baik terpilih menerima hadiah melalui sistem cabutan bertuah antaranya Ipad, basikal bukit elektrik dan kepingan emas 999.

Menurut MPAJ, cabutan bertuah kempen membayar cukai akan diteruskan tahun ini sebagai tandanya penghargaan kepada pembayar yang menjelaskan cukai taksiran masing-masing.

Azam selesai banyak isu rakyat

HULU LANGAT - Gabungan muka lama dan baharu ahli Majlis Perbandaran Kajang (MPKj) penggal 2024 hingga 2025 berazam untuk memberi khidmat terbaik kepada rakyat.

Yang Dipertuan Nazli Md Taib yakin pengalaman dan



kesungguhan semua ahli majlis berupaya membawa cadangan baik dalam menyelesaikan pelbagai isu masyarakat setempat.

"Hanya empat muka baharu dilantik sebagai ahli majlis tetapi pengalaman mereka sebelum ini, kita yakin

pelantikan ini membawa pembaharuan dan penambahbaikan sistem perkhidmatan MPKj.

"Saya yakin tahun ini dan akan datang dapat membantu MPKj dengan lebih cemerlang kepada penduduk di sini," katanya ketika menyaksikan 23 ahli majlis mengangkat sumpah jawatan baru-baru ini.

RM1,500 cipta nama lorong jalan

SHAH ALAM - Majlis Perbandaran Kajang (MPKj) mempelawa orang ramai menyertai peraduan mencipta nama bagi lorong Jalan Sulaiman di kawasan pihak berkuasa tempatan (PBT) itu.

Boleh menghantar lebih satu penyertaan percuma itu, peserta berpeluang meraih hadiah RM1,500 dan sijil penghargaan dalam pertandingan yang dibuka sehingga 6 Februari.

Syarat lain, menggunakan bahasa Melayu dan nama yang dicadangkan mesti signifikan dengan sejarah bandar Kajang serta paparan mural yang terdapat pada lorong tersebut

Maklumat lanjut dan borang penyertaan pada paparan kod QR di poster pertandingan seterusnya e-mel ke pelanconganmpkj@gmail.com

Segera mohon tapak niaga Aidilfitri

SHAH ALAM - Majlis Daerah Sabak Bernam (MDSB) mengajak peniaga untuk menyertai Ekspo Raya 2024 selama 20 hari mulai 22 Mac di Stadium Sungai Besar.

Borang permohonan untuk menyertai ekspo yang berlangsung hingga malam sambutan Aidilfitri boleh didapat di Jabatan Pelesenan mulai 24 Januari, kata Unit Korporat dan Perhubungan Awamnya.

Dijual pada harga RM20 tanpa cagaran untuk satu borang, MDSB berkata pemegang permit dilarang menyewakan premis atau tapak kepada pihak lain dan boleh dikompaun jika berbuat demikian.

"Pengendali makanan pula diwajibkan menjalani pemeriksaan kesihatan dan mendapatkan suntikan antitifoid selain menjalani kursus yang diiktiraf Kementerian Kesihatan.

"Mereka juga diwajib memakai pelitup muka, apron, tudung kepala dan kasut ketika menjalankan perniagaan," katanya dalam kenyataan baru-baru ini.

Kompaun buat pembakaran terbuka

SHAH ALAM - Majlis Perbandaran Ampang Jaya (MPAJ) mendenda pemilik kediaman di Bukit Antarabangsa, Ampang Jaya kerana melakukan pembakaran terbuka di kawasan lapang.

Kompaun dikeluarkan mengikut Undang-Undang Kecil Pemungutan, Pembuangan dan Pelupusan Sampah Sarap (2007) MPAJ selain satu notis bawah Seksyen 82, Akta Kerajaan Tempatan 1976, Akta 171.

Penguat kuasa pihak berkuasa tempatan itu ke lokasi tersebut jam 8.15 pagi pada 25 Januari dan mendapati ada kesan pembakaran kertas besar-besaran tanpa kebenaran.

"Pembakaran terbuka dilapor berlaku di kawasan lapang bersebelahan Jalan Wangsa 5A, Bukit Antarabangsa sekitar 11 malam pada 24 Januari hingga 2 pagi keesokannya," menurut kenyataan di Facebook.

RM50,000 bantu bina dataran

SHAH ALAM - Perbadanan Wakaf Selangor (PWS) menyumbang wakaf fisabilillah berjumlah RM50,000 kepada Sekolah Rendah Agama Sungai Tangkas, Kajang.

Sumbangan diserahkan Pengurus Bahagian Korporatnya Muhammad Hafiz Bahari bagi membantu pembinaan dataran berbumbung untuk kemudahan warganya.

"Sesi penerangan wakaf tunai juga disampaikan Muhammad Hafiz, di samping merasmikan majlis apresiasi kecemerlangan (sekolah) tersebut," menurut perbadanan itu pada 25 Januari.

PWS turut membuka kaunter wakaf di situ bagi memberi peluang kepada guru dan ibu bapa untuk melaksanakan amalan sunnah berwakaf melalui potongan gaji dan secara tunai terus.

Kerjasama fakulti sains kesihatan

SHAH ALAM - Universiti Selangor (Unisel) menerima lawatan kerja delegasi Universitas Fort De Kock (UFDK) Bukit Tinggi, Indonesia diketuai Rektornya Dr Evi Hasnita.

Pengarah Komunikasi Korporat Unisel Hasril Abu Hassan menjelaskan pertemuan berkenaan kesinambungan lawatan Unisel ke universiti tersebut pada tahun lalu.

"Tujuan utama lawatan ini meliputi aspek kerjasama antarabangsa berkenaan pengurusan dan perkhidmatan kesihatan awam.

"Semoga kerjasama ini semakin erat dan program promosi penjagaan kesihatan dapat dipertingkat terutama berkaitan dengan Fakulti Sains Kesihatan," katanya pada 24 Januari.

Tingkat usaha tarik 5.6 juta pelancong

SHAH ALAM - Tourism Selangor memperluas misi jualan ke Laos menerusi Forum Pelancongan Asean (ATF) pada 22 Januari bagi mengamit 5.6 juta pelancong ke negeri itu menjelang akhir tahun.

Menurut Unit Komunikasi Korporatnya, acara lima hari itu menghimpunkan pemain utama industri antarabangsa untuk meningkatkan aliran kemasukan pengunjung ke negara Asean.

Beberapa produk pelancongan ikonik negeri turut dipamer antaranya Geopark Gombak Hulu Langat, Jungle School Gombak, Permatang Kuarza Gombak, Splash-Mania, Sky Mirror dan FunPark.

"Produk kali ini memfokuskan kepada tarikan ekopelancongan dan taman tema dan diperkenal kepada lebih 400 pembeli dan penjual antarabangsa," kata kenyataan pada 29 Januari.

Tourism Selangor juga berusaha menarik minat negara tertentu antaranya Indonesia dalam pelancongan perubatan, Brunei (beli-belah) dan Singapura (gastronomi dan ekopelancongan).

RM4 juta teruskan Ihya' Ramadan

PETALING JAYA - Peruntukan RM4 juta disediakan Menteri Besar Selangor (Pemerbadanan) atau MBI bagi meneruskan program Ihya' Ramadan pada tahun ini.

Ketua Tanggungjawab Sosial Korporat Ahmad Azri Zainal Nor menjelaskan program tersebut termasuk sumbangan kepada masjid dan surau bertujuan menyemarakkan bulan suci Islam itu.

"Kita juga anjurkan beberapa program lain termasuk agihan bubur lambuk, edaran juadah berbuka dan majlis

iftar bersama Dato' Menteri Besar Dato' Seri Amirudin Shari," katanya.

Terdahulu, beliau bersama wakil rakyat Kota Damansara Izuan Kasim menyerahkan sumbangan tunai RM13,000 kepada mangsa simbah asid Nadia Fasha Qistina Azman Shah, mangsa pokok tumbang dan kebakaran pada 29 Januari.

Ahmad Azri juga memberitahu MBI akan bermesyuarat bagi meneliti kaedah sumbangan program Kembali

ke Sekolah pada Februari depan.

"Program bantuan akan datang memfokus kepada Kembali ke Sekolah yang kita mula hebahkan kepada pejabat wakil rakyat bagi mendapatkan data 300 pelajar layak menerimanya.

"Kita akan teliti dua bentuk penyampaian bantuan sama ada wang tunai RM100 atau kelengkapan sekolah. Keputusan ditentukan dalam mesyuarat jawatankuasa awal bulan depan," katanya.

Peluang untuk pemastautin, anak Selangor

Yuran percuma program asasi

Oleh NAEEM RAFFI

SHAH ALAM - Universiti Selangor (Unisel) menawarkan yuran pengajian percuma bagi semua program asasi pada pengambilan pelajar baharu April ini.

Unisel memaklumkan tawaran tersebut hanya diberikan kepada anak dan pemastautin menerusi inisiatif yang disediakan Kerajaan Negeri.

"Kelebihan program asasi di Unisel adalah yuran pengajian percuma bernilai sehingga RM12,000 dan tempoh pengaji-

an selama satu tahun atau tiga semester.

"Pelajar juga akan menikmati suasana kampus yang selamat dan kondusif, kolej kediaman seperti apartment hanya RM200 sebulan serta program pengajian dengan akreditasi Agensi Kelayakan Malaysia (MQA)," katanya menerusi Facebook pada 23 Januari.

Permohonan secara dalam talian menerusi pautan etawaran.unisel.edu.my dan semakan program ditawar di www.unisel.edu.my/admission/programmes-offered/

Maklumat lanjut hubungi 03-3280

5062 (kampus Unisel Bestari Jaya) dan 03-5522 3400 (kampus Unisel Shah Alam) atau layari laman sesawang www.unisel.edu.my

Sebelum ini, Dato' Menteri Besar Dato' Seri Amirudin Shari berkata kadar kebolehpasaran graduan Unisel terus meningkat apabila merekodkan 95.7 peratus pada 2022, lebih tinggi berbanding 90 peratus purata kebangsaan.

Pencapaian itu sekali gus meletakkan universiti itu di tangga ke-15 daripada keseluruhan 360 institusi pengajian tinggi swasta (IPTS) dalam negara.

Pastikan agihan makanan lancar

SHAH ALAM - Menteri Besar Selangor (Pemerbadanan) atau MBI menerima 1,000 permohonan bakul makanan daripada keluarga memerlukan sempena Tahun Baru Cina.

Ketua Tanggungjawab Sosial Korporat Ahmad Azri Zainal Nor berkata jumlah itu dijangka meningkat menjelang hari perayaan dan pihaknya bersedia dan memastikan urusan agihan lancar.

"Setakat ini kita terima 1,000 permohonan dari Ahli Dewan Negeri,

pusat khidmat dan majlis perwakilan penduduk. Banyak bakul makanan disediakan kerana nanti permintaan akan bertambah.

"Setiap penerima akan dapat makanan kering bernilai RM100. Bantuan ini sedikit sebanyak mengurangkan beban mereka dalam menyediakan keperluan raya," katanya pada 22 Januari.

Ahmad Azri berkata 5,000 bakul makanan mengandungi bahan kering antaranya tepung dan gula dise-

diakan bagi membantu golongan kurang berkemampuan sempena perayaan bukan Islam.

"Kita bersedia kerana mahu semua rakyat tanpa mengira bangsa dan agama dapat meraikan perayaan masing-masing. Untuk sambutan Ponggal baru-baru ini, kita agihkan 500 bakul," katanya.

Beliau memaklumkan anak syarikat milik Kerajaan Negeri itu memerlukan RM1 juta bagi menjayakan program bakul makanan tahun ini.

Kem gilap kepimpinan belia

SHAH ALAM - Seramai 146 peserta daripada 20 sekolah seluruh negeri menyertai Kem Kepimpinan Belia Islam Selangor (Soul) 2024 di Institut Pemberdayaan Ummah Selangor, Sabak Bernam.

Program kendalian Persatuan Pelajar Islam Selangor Darul Ehsan (Pepias) pada 28 Januari demi memantapkan jati diri peserta dengan tumpuan kepada penerapan nilai kepimpinan Islam.

Persatuan tersebut juga memaklumkan program tersebut juga untuk meng-

gilap sifat kepimpinan pada usia muda, sekali gus mempersiap mereka lebih awal dalam urusan pentadbiran.

"Pepias berhasrat Selangor tidak mengalami ketandusan kualiti kepimpinan hingga mengakibatkan kerugian kepada negara disebabkan sifat pemimpin yang bobrok."

"Oleh itu, ia harus dicungkil dan digilap pada usia muda agar belia yang merupakan pewaris legasi kepimpinan negara dapat disediakan dengan lebih

awal," menurut kenyataan.

Peserta terdiri dalam kalangan jawatan badan kepimpinan yang melibatkan pelbagai kategori sekolah seperti sekolah menengah kebangsaan dan sekolah berasrama penuh integrasi.

Kem berkenaan turut mendapat sokongan Tabung Infaq Amal Jariah Umat Islam Selangor, Jabatan Belia dan Sukan Selangor dan Jabatan Agama Islam Selangor.



MESRA... Pemain Selangor FC Faisal Halim bertemu peminat sempena pelancaran program RG Neighbourhood di Pangaspuri PKNS Seksyen 7, Shah Alam pada 28 Januari. Program tersebut antara usaha Red Giants mengerakkan hubungan bersama penyokong. Foto Facebook Selangor FC

Kenal pasti bakat baharu

Lonjak potensi bola sepak wanita

Oleh FITIRI HAZIM HAZAM

KLANG - Kejohanan Liga Super Wanita anjuran Persatuan Bola Sepak Selangor (FAS) bertujuan memperkasa pembangunan akar umbi bola sepak wanita ke peringkat lebih baik.

Setiausaha Agungnya Izrin Nabil Ismail yakin edisi ketiga kejohanan tersebut berupaya mengesahkan lebih banyak pemain berpotensi untuk mewakili Selangor dan pasukan kebangsaan.

Beliau menjelaskan edisi musim lalu memangkin kepada bakat baharu untuk menyinar seperti Haniz Zahra, 13, selain Qaseh Rania, 14 dan beberapa nama lain mewakili pasukan luar.

Liga Super Wanita mulai 3 Februari

KLANG - Sebanyak 14 pasukan bakal berentap dalam Liga Super Wanita Persatuan Bola Sepak Selangor (FAS) di Stadium Arena Majlis Bandaraya Subang Jaya mulai 3 Februari.

Pertandingan ini menyaksikan tujuh pasukan beraksi dalam enam perlwanan dengan empat pasukan teratas layak ke suku akhir.

Setiausaha agung FAS berkata edisi ketiga kejohanan itu disertai lebih 500 pemain membabitkan 95 perlwanan, dengan format lebih panjang dan kompetitif diperkenal tahun ini.

"Pemain seperti Intan Sarah, Nur Lyana Soberi, Nur Azurin Mazlan dan Nur Mekah Rania kini menyertai pasukan luar negara setelah bakat mereka dicungkil dalam kejohanan ini," katanya.

Majlis pelancaran dan sesi undian kejohanan Liga Super Wanita FAS 2024 musim ketiga pada 28 Januari.

Izrin Nabil turut menyasar untuk meningkatkan nilai komersil bola sepak wanita dengan menambah baik format kejohanan dan menyiar semua perlwanan secara langsung di media sosial.

Beliau mahu meneruskan momentum tahun lalu yang merekod 7.2 juta tontonan di semua platform selain kehadiran kira-kira 10,000 penonton di stadium.

Izrin Nabil Ismail menjelaskan dua kejohanan lain turut diketengahkan kali ini iaitu Piala Konfederasi dan Piala FA, kedua-duanya dalam format kalah mati.

"Tiga pasukan terendah dalam setiap kumpulan Liga Super akan bersaing dalam Piala Konfederasi secara kalah mati. Kedudukan kelima liga akan mendapat laluan 'bye' dan layak ke separuh akhir."

"Kejohanan Piala FA membabitkan 14 pasukan juga diadakan dalam format sama. Jumlah pasukan bertambah

"Edisi kali ini ditambah baik dengan dua kejohanan ditambah (Piala Konfederasi dan Piala FA) untuk lebih banyak perlwanan disiar langsung bagi promosi nilai setiap pasukan."

Sementara itu, pemenang anugerah Pemain Harapan Baharu Haniz Zahra Ab Halim, 14, berkata kejohanan tersebut memberi ruang kepada dirinya untuk bersaing dengan lebih kompetitif.

Beliau mula menceburkan diri dalam sukan itu pada usia lapan tahun sebelum bakatnya dicungkil PNSB dari Akademi Tunas Petaling Perdana sebelum diketengah ke peringkat lebih tinggi.

"Ia (anugerah) memberi motivasi untuk membawa pasukan cipta kejayaan pada edisi kali ini," katanya.

kepada dua iaitu Selangor FC dan SSS Leopard merupakan 'feeder team'," katanya.

Liga tahun ini menawarkan hadiah wang tunai RM10,000 untuk pasukan juara.

Terdahulu, Mohd Fairuz Mohd Noor daripada MBSJ FC diumum Jurulatih Terbaik, manakala Haniz Zahra Ab Halim (PNSB) dianugerahkan Pemain Harapan Baharu.

Pemain Kelana United Intan Sarah Anisah Zulgaflie merangkul anugerah Gol Terbaik melalui undian peminat.

RM5 juta tingkat prestasi bola sepak

SHAH ALAM - Peruntukan RM5 juta disalur kepada Persatuan Bolasepak Malaysia bagi mengurus serta meningkatkan keupayaan skuad kebangsaan, kata Perdana Menteri Datuk Seri Anwar Ibrahim.

Beliau berkata ia mengambil kira semangat juang Harimau Malaya sepanjang Piala Asia 2023 termasuk mengikat Korea Selatan 3-3 dalam perlwanan terakhir pada 25 Januari, lapor Bernama.

"Harimau Malaya menunjukkan keupayaan, kesungguhan, semangat mereka tidak lusuh walaupun kalah dalam dua pertarungan (menentang Jordan dan Bahrain).

"Tapi nampak mereka menunjukkan perlwanan yang sangat menakjubkan dan hebat bertarung dengan satu pasukan kuat Korea Selatan," katanya.

Mengutus tahniah dan berasa bangga atas semangat juang Harimau Malaya, Anwar menjelaskan pemberian dana berkenaan atas pertimbangan Menteri Belia dan Sukan Hannah Yeoh.

Sasar kedudukan tiga teratas SUKMA

SHAH ALAM - Kontingen Selangor mensasarkan kedudukan tiga tempat teratas dalam temasya Sukan Malaysia (SUKMA) ke-21 di Sarawak antara 17 hingga 24 Ogos.

EXCO Sukan Najwan Halimi percaya persiapkan atlet berada tahap terbaik hasil pemantauan latihan bagi mengekalkan kecerdasan demi mencapai hasrat merangkul sebanyak mungkin pingat emas.

"Kita bersedia mengharungi SUKMA 2024 di Sarawak pada Ogos dan akan berikan yang terbaik. Mudah-mudahan Selangor catatkan keputusan cemerlang dan lebih tinggi dari edisi sebelum ini."

"(Kita sasarkan) tiga teratas tapi kalau dapat juara itu bonus. Cuma (yang pasti) kita akan bekerja keras untuk mencipta seberapa banyak pingat emas," katanya pada 27 Januari.

Peluang cerah ke separuh akhir

SHAH ALAM - Pasukan lelaki negara berpeluang ke suku akhir Kejohanan Badminton Berpasukan Asia (BATC) 2024 selepas diundi bersama Taiwan, Kazakhstan dan Brunei dalam kumpulan B pada 30 Januari.

Pengarah Kejurulatihan Akademi Badminton Malaysia (ABM) Rexy Mainaky berharap tuah selaku tuan rumah sekali lagi membantu mereka mempertahankan kejayaan.

"Malaysia sebagai tuan rumah dan saya ada memberitahu pemain supaya fokus memberikan peminat dan negara rasa bangga. Selain itu, saya juga memberitahu mereka supaya berjuang sebaik mungkin."

"Saya harap pemain dapat melakukan yang terbaik selepas tidak beraksi dengan baik di Terbuka Malaysia. Harap pada kejohanan ini, mereka membawa kegembiraan dan kebanggaan kepada negara," katanya seperti dilapor Berita Harian.



MOHD KAMRI KAMARUDDIN
Bukit Antarabangsa

berbincang bersama wakil agensi mengenai pembangunan klinik di Ampang Jaya



DATUK RIZAM ISMAIL
Sungai Air Tawar

bermesra dengan penduduk di Kampung Tebuk Mufrad, Sabak Bernam



ANFAAL SAARI
Taman Templer

menyerahkan baucar Jom Shopping perayaan di Pasaraya Sri Ternak, Gombak



PREAKAS SAMPUNATHAN
Kota Kemuning

meninjau pemasalahan penduduk bersama agensi kerajaan di DUN beliau



SYED AHMAD ALHADAD
Lembah Jaya

melawat tabika yang perlu dibaiki di Kampung Ampang Indah, Ampang Jaya



DANIAL AL RASHID
Batu Tiga

menghadiri program Dermathon di Sekolah Kebangsaan Seksyen 20, Shah Alam



PUA PEI LING
Bukit Lanjan

mengedar limau sempena sambutan Tahun Baharu Cina di Taman Daya, Kuala Lumpur



ONG CHUN WEI
Balakong

memberi sumbangan kepada kariah Surau Al-Ansar di Bandar Tun Hussein Onn, Kajang

Ringan beban sambut perayaan

SHAH ALAM - Seramai 400 keluarga berpendapatan rendah di Dewan Undangan Negeri Dusun Tua yang menyambut Tahun Baharu Cina pada bulan depan bakal menerima baucar beli-belah RM200.

Wakil rakyat Datuk Johan Abdul Aziz berkata penyerahan bantuan Skim Jom Shopping Perayaan itu bakal meringankan perbelanjaan untuk menyediakan kelengkapan raya.

Bantu rakyat periksa kesihatan

RM70,000 sedia tiga saringan percuma

Oleh SUHAILA SHAHRUL ANNUAR

SHAH ALAM - Dewan Undangan Negeri (DUN) Kota Anggerik memperuntuk RM70,000 bagi membantu penduduk menerima pemeriksaan percuma dalam tiga penganjuran karnival kesihatan tahun ini.

Wakil rakyatnya Najwan Halimi berkata acara di Seksyen 11 di sini memanfaat sehingga 15,000 individu termasuk penduduk berusia 40 tahun ke atas

yang menjalani ujian kesihatan asas. Katanya, ujian mamogram dan saringan barah pangkal rahim turut ditawarkan kepada wanita berusia 30 tahun ke atas selain pemeriksaan mata percuma dan peluang membuat cermin mata murah.

"Kami mahu meneruskan karnival ini di Bukit Subang dan Denai Alam selepas ini berdasarkan lokaliti dan demografi penduduk selain ramai B40 di kawasan itu," katanya pada 27 Januari.

Beliau berkata pihaknya turut mempergiat hebatan program Iltizam Selangor Penyayang kepada penduduk

selain menerangkan kepentingan untuk mendaftar dalam Pangkalan Data Utama (Padu).

"Kita turut menyerahkan baucar Skim Mesra Usia Emas (SMUE) kepada penerima yang lahir dalam bulan Januari serta penyerahan Bantuan Masuk Sekolah kepada ahli Tabung Warisan Anak Selangor (Tawas) yang memasuki darjah satu tahun ini," katanya.

Suri rumah S Adeline, 52, mengakui datang awal kerana tidak mahu terlepas peluang menjalani pemeriksaan percuma kerana terpaksa menanggungkannya sebelum ini berikutan kekangan kos.

200 pelajar terima cermin mata

SHAH ALAM - Seramai 200 pelajar dari keluarga berpendapatan rendah (B40) di Dewan Undangan Negeri Pandamaran bakal menerima bantuan cermin mata percuma.

Menjngka kemudahan itu diserah kepada mereka pada akhir Februari, wakil rakyatnya Leong Tuck Chee berharap ia menguatkan semangat pelajar untuk mengikuti sesi pembelajaran.

"Kita akan minta pengurusan sekolah mendapatkan nama mereka yang benar-benar memerlukan ter-

masuklah saringan pemeriksaan mata.

"Kita berharap sumbangan ini memberi semangat kepada pelajar seterusnya membolehkan mereka menumpukan sepenuh perhatian semasa pengajaran dan pembelajaran," katanya pada 24 Januari.

Beliau menambah peruntukan untuk sekolah sentiasa menjadi keutamaan berikut institusi pendidikan titik

permulaan untuk melahirkan generasi cemerlang.

"Tahun lalu, kita salur lebih RM300,000 kepada 40 sekolah di DUN ini. Tahun ini, kita terus cuba sebaik mungkin untuk melihat keperluan sekolah," katanya lagi.

Selain itu, Tuck Chee berkata pihaknya turut menyumbang 10 kerusi roda untuk kegunaan pesakit di Hospital Tengku Ampuan Rahimah, Klang.

Agihan 400 baucar bulan depan

SHAH ALAM - Sebanyak 400 baucar bernilai RM200 bakal diagih kepada penduduk sekitar Dewan Undangan Negeri (DUN) Paya Jaras sempena sambutan Tahun Baharu Cina pada bulan depan.

Penyelaras DUN Mohd Khairuddin Othman berharap pemberian bermula awal Februari bakal meringankan beban penerima dalam menyediakan kelengkapan menyambut perayaan

tersebut.

"Kita teliti setiap pemohon dan serahkan kepada yang benar-benar layak. Penerima mestilah dalam kategori berpendapatan rendah berusia antara 21 hingga 59 tahun."

"Mereka juga bukan ahli Skim Mesra Usia Emas atau penerima Bantuan Kehidupan Sejahtera Selangor (BINGKAS). Langkah ini untuk pastikan

lebih ramai penduduk dibantu," katanya pada 24 Januari.

Sempena sesi baharu persekolahan Mac depan, Mohd Khairuddin menambah hampir 800 murid darjah satu menerima manfaat Program Bantuan Masuk Sekolah (PBMS) untuk membeli kelengkapan.

Tahun ini, seramai 36,326 ahli Tabung Warisan Anak Selangor (Tawas) layak menerima bantuan PBMS meliputi beg sekolah, kelengkapan alat tulis, bekas makanan dan tabung.

1,905 pelajar terima set alat tulis

SHAH ALAM - Seramai 1,905 calon Sijil Pelajaran Malaysia (SPM) daripada lima sekolah di Dewan Undangan Negeri Pelabuhan Klang menerima sumbangan set alat tulis.

Wakil rakyatnya berkata sumbangan berkenaan bertujuan memberi semangat selain memastikan pelajar memiliki kelengkapan mencukupi untuk menduduki peperiksaan mulai 30 Januari.

"Semoga dengan sumbangan alat tulis ini membantu menambah kelengkapan bagi menjawab peperiksaan dan penting untuk menaikkan semangat mereka berjuang dalam SPM."

"Saya sendiri turun padang berjumpa dengan calon SPM untuk memberi kata-kata semangat kepada mereka," kata Azizam Zaman Huri pada 26 Januari.

Anjur jualan murah lebih kerap

SHAH ALAM - Wakil rakyat Kota Kemuning berhasrat untuk menganjur Jualan Ehsan Rahmah (JER) dengan lebih kerap bagi membantu lebih ramai penduduk dari kawangan kurang berkemampuan.

Meninjau program tersebut di Jalan Bukit Kemuning pada 27 Januari, S Preakas menjelaskan sambutan orang ramai juga memberangsangkan di setiap lokasi jualan murah di DUN berkenaan.

"Saya berhasrat membawa JER ke DUN Kota Kemuning sekurang-kurangnya setiap bulan kerana ia amat bagus dan ramai penduduk yang perlu dibantu."

"Di Kota Kemuning, kita kerap adakan jualan murah sejak ia mula diperkenal. Untuk tahun ini, jualan ini kali kedua dijalankan," katanya merujuk program kendalian Perbadanan Kemajuan Pertanian Selangor.

Serah 300 baucar belanja RM200

SHAH ALAM - Sebanyak 300 baucar beli-belah bernilai RM200 diagih kepada penduduk memerlukan sekitar Dewan Undangan Negeri Taman Medan sempena sambutan Tahun Baharu Cina.

Penyelaras DUN Halimey Abu Bakar menjelaskan baucar berkenaan membolehkan penerima membeli keperluan, sekali gus meringankan beban mereka membuat persiapan menyambut perayaan itu.

"Penerima bantuan baucar sempena perayaan ini menghantar permohonan awal Januari dan mereka yang benar-benar layak telah menerima insentif ini."

"Kita agihkan 300 daripada 400 baucar yang disediakan Kerajaan Negeri, manakala baki belum dituntut mereka yang layak," katanya pada 25 Januari.

Pada masa sama, Halimey memberitahu sebanyak 700 baucar beli-belah bagi peserta Skim Mesra Usia Emas (SMUE) diagihkan kepada penduduk sepanjang bulan ini.

Daulat Tuanku

Merafak Sembah Menjunjung Kasih



KEBAWAH DULI YANG MAHA MULIA
SERI PADUKA BAGINDA YANG DI-PERTUAN AGONG
AL-SULTAN ABDULLAH RI'AYATUDDIN AL-MUSTAFA BILLAH SHAH
IBNI ALMARHUM SULTAN HAJI AHMAD SHAH AL-MUSTA'IN BILLAH
dan

KEBAWAH DULI YANG MAHA MULIA
SERI PADUKA BAGINDA RAJA PERMAISURI AGONG
TUNKU AZIZAH AMINAH MAIMUNAH ISKANDARIAH BINTI
ALMARHUM AL-MUTAWAKKIL ALALLAH SULTAN ISKANDAR AL-HAJ
sempena

Tamat Tempoh Pemerintahan Seri Paduka Baginda Tuanku
Sebagai Yang di-Pertuan Agong XVI
31 Januari 2019 - 30 Januari 2024

sembah takzim daripada :

